



# KALAALLIT NUNAANNI AATSITASSANUT PERIUSISSIAQ 2025-2029

Aatsitassanut suliassaqarfik piujuartussaq

## Siulequtsiussaq



### Naaja H. Nathanielsen

Inuussutissarsiornermut, Niuernermut, Aatsitassanut, Inatsit  
Atuutsinneqarnerannut Naligiissitaanermullu Naalakkersuisoq

***Nunarsuatsinni taamaallaat aatsitassarsiorfimmik ingerlatsineq tunngavigalugu periarfissaasut pinngitsoorneqarsinnaanngillat. Eqqatsinniittut annertunersai, ulluinnarni atortakkagut, aatsitassarsiorfimmik ingerlatsinermeersuupput. Taamaattumik nunarsuarmi inuiaqatigiit ineriartortinneqaannarnissaannut aatsitassarsiornermik suliffissuaqarneq pisariaqarpoq. Aatsitassarsiornermi suliffissuaqarneq teknologiinut nutaanut, mingutsitsinnginnerusunut, kisianni aamma inuussutissarsiutinut pioreersunut, soorlu illuliortiternermik sanaartornermillu inuussutissarsiortunut, attaveqaasersuutinut assartuussinermullu suliaasaqarfimmut, pilersuisuuvoq.***

Nunarsuarmi aatsitassanik pisariaqartitsineq najukkani nunamilu namminerimi sullivissanik pilersitsisinnaavoq siuariartortitsisinnaallunilu, taamaalillunilu piujuartitsiviunerusumik patajaannerusumillu aningaasaqarnikkut tamatsinnut ineriartortitseqataasinnaalluni.

### Piujuartitsineq inuiaqatigiillu

Suliassat ineriartorneranni immikkoortuni tamaginni pinngortitap mianerineqarnissaa uagutsinnut, kisianni aamma aningaasaliisartunut, pingaaruteqartorujussuuvoq. Aatsitassarsiornermi ineriartortitsinerup avatangiisinut inuiaqatigiinnullu akisussaassusilimmik ingerlanissaa najukkani nunarsuarmilu pingaaruteqarpoq. Aatsitassarsiornermi suliffissuaqarnermi sulisut pitsaasumik aningaasarsiatigut atorfininnertigullu atugassaqartinneqassasut piumasaraarput, aammalu ilinniartitaanerup qaffasissumiiginnarnissaa suliffeqarnermilu suaassutsit assigiinngisitaarnissaat suli qulakkiissavagut.

Inuussutissarsiornerup ineriartortinnissaanut najukkami inissisimatitsinissaq aalajangiisuulluinnartumik pingaaruteqarpoq. Najukkaneersut tapersersuinissaat pisariaqartinneqarpoq. Tamatumani suliassani sulianillu ingerlatitsinerni oqartussat sularisassaanni paasiuminartuutitsinissaq ersarissuutitsinissarlu pisariaqarpoq. Piffissami periusissiap atuuffissaani

oqartussat suliffeqarfiillu imminnut attaveqarfigisarnerat, nunap immikkoortuini inuussutissarsiortut suliassallu sumiiffiini najuulluni ataatsimiittarnertigut aamma nukittorsarniarparput.

### **Nunarsuarmi aningaasaliinerit ilinniartitaanerlu**

Nunarsuarmi aatsitassanik ujartuinerup Kalaallit Nunaanni nunap iluanik ukkatarinninnerulersitsinissaa aatsorsuutigineqarpoq. Kisianni nunap sannaata pitsaasuunerata eqqumaffiginnilersitsinerinnaa naammanngilaq. Aatsitassarsiorfissanik ineriartortitsinissaq ukiorpassuit ingerlaneranni annertoorujussuarnik aningaasaliiviusussaavoq, taamaattumillu aningaasaliisartut annaasaqarsinnaasarerisa annikillisinnissaa pisariaqartinneqarpoq. Suliassaq taanna ilaatigut politikkikkut aammalu niuerfinniinnaanngitsoq, aaqqiivigineqassaaq. Taamaattumik aningaasaliinernut killissaliussanik suliaqarnissaq, piffissami periusissiap atuuffissaani nutaami suliassaavoq pingaaruteqartoq. Tamatuma saniatigut allaffissornerup eqaannerulersinnissaanik suliaqarneq ingerlaannassaaq.

Nunami namminermi suliassaqarfinmi atorfinnut najukkaneersut pilerilersinniarlugit innuttaasunut atitunerusumik annguttarnissaq ukkatarineqassaaq. Tassani pineqarput inissisimaffinni tamaginni atorfinitsitsinerit, angutitut arnanullu siunnerfeqartinneqartut.

Kiisalu annikitsumik aatsitassarsiornermut suliassaqarfiup nukittorsarnissaa annertusarneqarnissaalu ersarissumik pingaartinneqarpoq.

### **Nunani tamalaani suleqatigiinneq**

Piffissami periusissiap atuuffissaani pisussami nunani tamalaani suleqatigisartakkanut attaveqarnerit isumaqatigiissutillu nukittorsarniarpagut. Nunat kattuffiillu arlallit ataasiakkaarlugit arlariutillugillu suleqatigereerpagut. Tamanna ingerlaannassaaq aammalu nunanut aatsitassanik eqqussuisartunut, aningaasaliisartunut aammalu suliffissuarnut aatsitassaatsinnik pisisarsinnaasunut attaveqarfeqarnigut annertusitillugit annertusaassaagut.

Nunatsinni aatsitassarsiornermut suliassaqarfiup ineriartortinneqarneranik suliaqarneq aallaaviatigut nunanut tamalaanut sammitinneqarpoq. Kisianni suliaqarnermut tamarmut tunngavigisat, nunatsinni isumalluutit innuttaasunut iluaqutaasumik atorluarneqarnissaat pillugu anguniagaqarnermiipput. Aatsitassanik piiaaneq Kalaallit Nunaannut iluaqutaassaaq.

## Imai

|                                                                                                        |    |
|--------------------------------------------------------------------------------------------------------|----|
| Siulequtsiussaq .....                                                                                  | 1  |
| Imai .....                                                                                             | 3  |
| Eqikkaaneq: Ukkatarinniffiusut, siunnerfiit suliniutissallu .....                                      | 3  |
| Aallaqqaasiut.....                                                                                     | 11 |
| Takorluugaq .....                                                                                      | 13 |
| Ukkatarineqartussaq 1: Piujuartitsineq inuiaqatigiillu.....                                            | 15 |
| Inuiaqatigiinni iluanaarutissat.....                                                                   | 15 |
| Aatsitassarsiorfiup atuuffissaani immikkoortuni tamaginni aningaasarsioritsineq .....                  | 16 |
| Silap pissusaa avatangiisillu .....                                                                    | 18 |
| Ilinniartitaaneq sulisussallu.....                                                                     | 20 |
| Suliffissuaqarneq suaassutsini assigiinngisitaartitsiviusoq .....                                      | 21 |
| Digitalimik najuunnissaq .....                                                                         | 21 |
| Ukkatarineqartussaq 2: Aningaasaliinissamut sinaakkutissat orniginartut .....                          | 23 |
| Aningaasaliinerit .....                                                                                | 23 |
| Akuersissutit piumasaqaatillu .....                                                                    | 26 |
| Allaffissorneq suliassanillu suliarrinnineq .....                                                      | 26 |
| Aaqqissuussaannerup ilusiligaanera .....                                                               | 27 |
| Najukkani inissisimatitsineq.....                                                                      | 28 |
| Ukkatarineqartussaq 3: Aatsitassat pisariaqartinneqarlutik pingaarutillit.....                         | 30 |
| Aatsitassat pisariaqartinneqarlutik pingaarutillit .....                                               | 30 |
| Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat .....     | 33 |
| Nunap assiliorneq.....                                                                                 | 33 |
| Geofysik aamma Remote Sensing .....                                                                    | 35 |
| Qaqqat sisootarnerat alapernaarsuinerlu .....                                                          | 36 |
| Paasissutissanik nalunaarsukkanik pilersitsinissaq avitseqatigiittarnissarlu.....                      | 38 |
| CO <sub>2</sub> -nik unerartitsineq toqqorsivimmiititsinerlu (CCS).....                                | 40 |
| Qillerummit qaqtanut toqqorsivik .....                                                                 | 41 |
| Naggasiineq .....                                                                                      | 42 |
| Ilanngussaq 1: Aatsitassanut periusissiaq aamma Naalagaaffiit Peqatigiit nunarsuarmi anguniagaat ..... | 43 |
| Ukkatarinniffik 1: Piujuartitsineq aamma inuiaqatigiit .....                                           | 43 |
| Ukkatarinniffik 2: Aningaasaliinissamut killissaliussat kajungernartut .....                           | 46 |
| Ukkatarinniffik 3: Aatsitassat pisariaqartinneqarlutik pingaarutillit .....                            | 49 |

Ukkatarinniffik 4: Nunap assiliorneq aamma nunap sannaanut paasissutissat nalunaarsukkat.. 50

## Eqikkaaneq: Ukkatarinniffiusut, siunnerfiit suliniutissallu

Aatsitassanut periusissiami ukkatarineqartussat sisamat suussusersineqarput:

**Ukkatarineqartussaq 1) Piujuartitsineq inuiaqatigiillu**

**Ukkatarineqartussaq 2) Aningaasaliinissamut sinaakkutissat orniginartut**

**Ukkatarineqartussaq 3) Aatsitassat pisariaqartinneqarlutik pingaarutillit**

**Ukkatarineqartussaq 4) Nunap assiliorneq aamma nunap sannaanut paasissutissat nalunaarsukkat**

Ukkatarinniffiusussat sisamat taakkua kisimiitinneqarsinnaanngillat, kisianni ataatsimoorlutik aatsitassanut suliassa qarfimmi politikkikkut takorluukkanut tunngavissii sussaallutik.

Suliassa qarfiit tamarmik immikkut iluanni siunnerfiit aamma suliniutissat aalajangersimasut arlallit, piffissap periusissiap atuuffissaata iluani ingerlanneqartussat, nassuiarneqarput. Suliniutissat assigiinngisitaartunik suliassartaqarput, kisianni siunnerfiit iliusissani aalajangersimasuni inissisimatillugit.

Aatsitassanut periusissiami siunnerfiit Naalagaaffiit Peqatigiit Nunarsuarmi anguniagaannut arlalinnut tunngavissiipput. Ilanngussaq 1-imi Kalaallit Nunaanni tikkuussisut suliniutissallu, aammalu taakkua Naalagaaffiit Peqatigiit Nunarsuarmi anguniagaannik qanoq naammassinninnersut, takussutissiorneqarput.

|                                        | <b>Ukkatarineqartussa 1) Piujuartitsineq inuiaqatigiillu</b>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
|----------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>Siunnerfik</b>                      | Aatsitassarsiornermi suliffissuaqarnerup piujuartitsiviusumik inuiaqatigiinni ineriartortinnissaata qulakkeerneqarnissaa.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                        |
| <b>Suliniutissat aalajangersimasut</b> | <p>1.1. Aatsitassarsiornermi suliffissuaqarnermut isummertarnerit pillugit innuttaasuni misissuinerneq minnerpaamik marlunnik ingerlatsinissaq.</p> <p>1.2. Aatsitassanut suliaassaqaarfimmi paasissutissiisarnep ukkatarineqarnera, ilanngullugit ilinniartitaanermut suliffissanullu periarfissat, aammalu aatsitassanut suliaassaqaarfik aamma aatsitassat inuiaqatigiinni aningaasarsiortitsinerat pillugu innuttaasut oqaloqatiginerunissaat.</p> <p>1.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa.</p> <p>1.4. Avatangiisini inooqatigiinnermilu tunngavissanut kiisalu suliffeqaarfiit pissusilersortarnerannut tunngatillugu (ESG-nut suliaassaqaarfik) aatsitassarsiornermi suliffissuarnik oqaloqateqarneq.</p> <p>1.5. Suliniutinik, ataavartumik nukissiuutinik atuinerneq suliffissuarnut pitsaannerusunik atugassaqaartitsilersinnaasunik, suliaqarneq aallartitsinerlu.</p> <p>1.6. Ilisimatusarfinnik Issittup aamma ataavartumik nukissiornerup, assersuutigalugu erngup nukinganik seqernullu nukinganik, iluani misilittagalinnik suleqateqarnerulernissaq.</p> <p>1.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa.</p> <p>1.8. Aatsitassarsiornermi suliffissuaqarnermi suaassutsinut misissueqqissaarnernik aamma suaassutsit agguarsimanerannut naatsorsueqqissaarnernik aallaaviusussanik suliaqarneq.</p> <p>1.9. Suliffeqarnerup suaassutsinut agguarsimasup akiornissaa siunertaralugu aatsitassarsiornermi suliffissuaqarnermi sullivinnut naligiissitaanerup paasititsiniutiginerata ingerlanneqarnera.</p> <p>1.10. Aatsitassarsiornermi suliffissuarnut naligiissitaanerup ilitersuutinik, ingerlatseqatigiiffiit ingerlatseqatigiiffiup suliaassaqaarfiisa immikkoortuini tamaginni suaassutsinik tamaginnik akuliutsitsinerulersinnaanersut, erseqqissaasunik, suliaqarneq.</p> <p>1.11. Aatsitassanut suliaassaqaarfimmut paasissutissiisarnep nittarsaassisarnermullu periusissiamik nutaamik suliaqarneq atuutsitsilernerlu.</p> |

|                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
|----------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                        | <b>Ukkatarineqartussaq 2) Aningaasaliinissamut sinaakkutissat orniginartut</b>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
| <b>Siunnerfik</b>                      | Piujuartitsisussamik, aningaasaqarnikkut siuariartortitsivugut.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
| <b>Suliniutissat aalajangersimasut</b> | <p>2.1. Aatsitassanut nittarsaassivimmi Prospectors &amp; Developers Association of Canada Convention (PDAC) nittarsaassisarnerup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq.</p> <p>2.2. Ilaatigut avammut nioqquteqarnermut eqqussuinernullu aningaaseriviit aqputigalugit suliaassat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.</p> <p>2.2. Ilaatigut avammut nioqquteqarnermut eqqussuinernullu aningaaseriviit aqputigalugit suliaassat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.</p> <p>Kalaallit Nunaanni akileraarutinut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit.</p> <p>2.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput.</p> <p>2.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aqputissiuussisarneq.</p> <p>2.6. Aatsitassat ataasiakkaat nassaarineqartut naleqarnerulersinnissaat siunertaralugu annikitsumik aatsitassarsiornermut suliaasaqarfimmi pisinnaatitsissummik pigisaqartunut akuersissummik allagartaliisarnermut aaqqissuussinermik ineriartortitsineq.</p> <p>2.7. Ataasiakkaatigut pisariaqartitsilernermi aammalu isumaqatigiissut taamaattoq aatsitassarsiornermi suliffissuaqarnermut tunngavissiiinnaappat, siunnerfilimmik akileraartarnermut isumaqatigiissutit sulissutigineqarnerat.</p> <p>2.8. Suliffissuit akornanni sunneeqatigiittarnerup tunngavissinnissaanut, ilaatigullu assartuussinerup internet-ikkullu attaveqaqatigiinnerup iluanni attaveqaasersuutit nukittorsarniarlugit, pisortani oqartussat akornanni suliaasaalartartut suleqatigiissutiginerulernissaat.</p> <p>2.9. Naalakkersuisoqarfiup peqquserluttoqannginnissaanut politikkiata nutarterneqarnera.</p> <p>2.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqaqatigiinnerulernissaq ilanngullugu.</p> <p>2.11. Suliassanik suliarinnittarnerup eqaannerulersinneqarnissaa siunertaralugu akuersissutinut suleriaatsinik, atugassarititaasunik nalinginnaasunik il.il nutarterineq.</p> |



|  |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
|--|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|  | <p>2.12. Aatsitassanut Ikummatissanullu Aqutsisoqarfiup piffissami asimi suliaqarfiusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq.</p> <p>2.13. Aatsitassanut ikummatissanullu allaffissornikkut aqutsisut (Naalakkersuisoqarfik aamma Aqutsisoqarfik) aaqqissuussaanerisa misissoqqissaarneqarnissaannik ingerlatsineq aamma aaqqissuussaanerup ilusiligaaneraniq nutaamik atuutsitsilersinnaaneq.</p> <p>2.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujuartitsisumik ingerlatsinissap nukittorsarnissaa.</p> <p>2.15. Pisortat suliaqarfiisa, aatsitassarsiornermik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqqutissiuussisarneq.</p> <p>2.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqqutissiuussineq.</p> |
|--|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

|                                        |                                                                                                                                                                                                                                                                                                                                                                                                                                                                                                                                                                                                                                                                                                                                |
|----------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                        | <b>Ukkatarineqartussaq 3) Aatsitassat pisariaqartinneqarlutik pingaarutillit</b>                                                                                                                                                                                                                                                                                                                                                                                                                                                                                                                                                                                                                                               |
| <b>Siunnerfik</b>                      | Iliuuseqarnissamut piujuartitsiviusumillu ineriartortitsinissamut suleqateqarnigut nukittuujupput.                                                                                                                                                                                                                                                                                                                                                                                                                                                                                                                                                                                                                             |
| <b>Suliniutissat aalajangersimasut</b> | <p>3.1. Aningaasarsiorfiit piujuartussat pillugit EU-periusissatut suleqatigineqarnerata atuutsinneqalernissaa. Aningaasarsiorfiit piujuartussat pillugit EU-periusissatut suleqatigineqarnerata atuutsinneqalernissaa.</p> <p>3.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa.</p> <p>3.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikikkut pissutsinit aqunneqarsinnaapput.</p> <p>3.4. MSP Forum-ip Kalaallit Nunaat pillugu paasissutissiinermut suliaassanullu aningaasalersuinerup tunngavissinnissaanut atorineqarnissaa.</p> |

|                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |
|----------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
|                                        | <b>Ukkatarineqartussa 4) Nunap assiliorneq aamma nunap sannaanut paasissutissat nalunaarsukkat</b>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
| <b>Siunnerfiit</b>                     | <p>Paasissutissanut nalunaarsukkanut tunngavissat, aatsitassarsiorluni misissuineramik aamma aatsitassanut tunngasunik suliaqarnermi aningaasaliinissamik orniginartunngortitseqataasussat, pitsanngorsarneqassapput.</p> <p>Pinngortitami ajunaarnersuaqarnissaanik pitsaaliuinerup nukittorsarnissaa, qaqqat sisoortarnerannut suliaasaqarfik immikkut sammillugu.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
| <b>Suliniutissat aalajangersimasut</b> | <p>4.1. Nunap sannaanut 1:100.000 angissuseritillugu nunap assiliornerup ingerlatiinnarnissaa.</p> <p>4.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsisussanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliinermi annaasaqarsinnaanerannut annikillitseqataanissaq.</p> <p>4.3. Geofysiskinut paasissutissat nalunaarsukkat suussusaannik, katersorneqartussanik suussusersiinissamut kiisalu nunap assiliornerup tulleriinnilersorneqarnissaanik pingaarnersiuiinissamut piareersaataasumik misissuataarinerup ingerlanneqarnera.</p> <p>4.4. Nunap immikkoortuini geofysiskinik misissuininissanut qaammataasatigullu paasissutissanut nalunaarsukkanut aningaasalersuinissamut periarfissanik qulaajaaneq.</p> <p>4.5. Ilisimatusarfinnik suleqateqarnerup ingerlatiinnarnissaa, nutaanik suleqatigiinnissamut isumaqatigiissuteqarneq.</p> <p>4.6. Qaqqani sisoorfiusartunik qajannartortalinnik nakkutiginninnerup ingerlatiinnarnissaa.</p> <p>4.7. Qaqqat sisoortarnerannut nunap assiliorinissamut pisussanut pilersaarummik atuutsitsilernissaq.</p> <p>4.8. Pinngortitami ajunaarnersuaqartarnermut suliaasaqarfimmi innuttaasunik paasissutissiisarnerup annertusarneqarnerata ingerlatiinnarnissaa, ilanngullugu nunap assinginik qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaarnersuaqartarnerit pillugit paasititsiniaanerup ingerlanneqarnissaa.</p> <p>4.9. Qaqqat sisoornissaasa aarlerinaateqarnerannik ujarassiornikkut nalilersuinissamut periusissiamik suliaqarnissaq.</p> <p>4.10. Nunap sannaanut ilisimatuussutsikkut paasissutissat nalunaarsukkat nittartakkatigut pissarsiariuminarnernissaat.</p> <p>4.11. Kalaallit Nunaata avannaani ujaqqanik pinnerasaasiassanik ujarlernerimut ilitsersuutip suliarineqarnera tamanullu saqqummiunneqarnera.</p> <p>4.12. CO<sub>2</sub>-nik unerartitsisarnermut toqqorsivimmiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa .</p> <p>4.13. Qillerummit qaqqitanut paasissutissaasivimmik nutaamik pilersitsinissaq.</p> |

|  |                                                                                                                                                                                                |
|--|------------------------------------------------------------------------------------------------------------------------------------------------------------------------------------------------|
|  | <p>4.14. Qillerummit qaqitanut toqqorsivimmik nutaamik pilersitsinissaq.</p> <p>4.15. Qillerummit qaqitanik, periaatsimi nalunaarsorneqarsimanngitsunik, nalunaarsuinerup aallartinnissaa.</p> |
|--|------------------------------------------------------------------------------------------------------------------------------------------------------------------------------------------------|

## Aallaqqaasiut

Aatsitassanut periusissiaq Naalakkersuisut aatsitassanut suliassa qarfimmi politikkiinut suliniutissaannullu sammivissaliivoq. Periusissiaq Aatsitassanut periusissiaq 2020 – 2024, taarserpaa aammalu inuussutissarsiortunit soqutigisaqartuniillu immersorneqarnikkut Naalakkersuisunit suliarineqarluni.

Siusinnerusukkut periusissiami ukkatarineqartut tallimaapput: 1. Nunap sannaani ilisimasani avitseqatigiittarneq nukittunerusoq, 2. Suliassanik suliarinittarneq sunniuteqarluartoq, takorlooruminartoq ersarissorlu, 3. Aatsitassarsiorluni misissuinermit piiannermut pisariinnerusumik ikaarsarneq, 4. Aatsitassarsiornermik suliffissuaqarnerup puijuartitsiviusumik ineriartortinnissaa aamma 5. Akileraarutitut aamma royalty-nut ilusiliaq unammillersinnaassuseqartoq. Siusinnerusukkut periusissiami aatsitassanut suliassa qarfiup ineriartortinnissaanut pingaarnertiguunerusoq periusissatut pilersaaruteqarnissaq sulissutigineqarluni, Aatsitassanut periusissiami nutaami suliniutissat uuttorneqarsinnaallutik, aatsitassanut suliassa qarfimmut siunnerfiit erseqqissarneqarput. Suliniutissani siusinnerusukkut periusissiami suliniuteqarni suliassa qarfiit arlallit tunngavigineqarput:


- Nunap sannaanut paasissutissat nalunaarsukkat annertusarneqarnissaat pissarsiariuminartuutinnissaallu suli sulissutigineqassaaq, tassami Kalaallit Nunaata ilarujussua taamatut annertussusilimmik aammalu paasissutissat nalunaarsukkat suliffissuarnit ujartorneqartartut paasinarsisinneqarsimanngimmata.
- Sunniuteqarluartumik suliassanik suliarinittarnissap ukkatarineqarnera ingerlatiinnarneqassaaq, kisianni 2025-2029-mut Aatsitassanut periusissiami suliniutissat arlallit aningaasaliinertut sinaakkutissanik orniginartunik pilersitsinissap tungaanut sammitinneqarput, tassami aningaasaliisussaqaannginneq aatsitassarsiorluni misissuinermit ingerlatseqatigiiffinnut, angisuunut mikisunullu, nunarsuarmi anigorniagassaammat.
- Naggataatigut, kisianni minnerunngitsumik, aatsitassanut suliassa qarfiup piffissami periusissiaq atuuffissaani kingullermi puijuartussatut ineriartortinnissaata sulissutigineqarnera aallarniutigineqarpoq. Suliqaarneq taanna annertusarneqassaaq erseqqissarneqassallunilu, peqatigisaanillu suliniutissat aatsitassanut suleqatigisartakkatsinnit pingaaruteqarlutik pinngitsoorneqarsinnaanngitsutut nassuiarneqartartunut attuumassuteqartunik ilassuserneqassallutik.

2025-2029-mut Aatsitassanut periusissiami atituumik isigalugu puijuartitsineq Naalakkersuisut sulissutigaat. Aatsitassarsiornermi suliffissuaqarnermi ingerlavissat arlallit iluanni puijuartitsineq taaguutitut atorparput, ilanngullugit inooqatigiinnermi puijuartitsineq, avatangiisini puijuartitsineq aammalu aningaasaqarnikkut puijuartitsineq.

Inooqatigiinnermi puijuartitsineq, ilaatigut suaassuseq apeqqutaatinnagu, suliffeqarnermi toqqissisimanartunik atugassaqaqtitaanissamut, aammalu ilinniarnissamut sulinissamullu pisinnaatitaanermut periarfissaqarnermullu, attuumassuteqarpoq.

Avatangiisini puijuartitsineri pinngortitamik avatangiisinillu sapinngisamik annertunerpaamik mianerinnittumik pissusilersornissamut ersarissunik sinaakkutissiinissaq qulakkeerneqassaaq.

Aningaasaqarnikkut puijuartitsineq inuiaqatigiit eqqarsaatigalugit aningaasaqarnikkut siuariartortitsissaaq, taamaalilluni ineriartorneq naapertuuttumik ingerlanneqassalluni.



*Ilusiliaq 1: Piujuartitsinermut ilusiliaq, aningaasaqarnikkut, inooqatigiinnikkut avatangiisitigullu piujuartitsinerup ataqatigiinnerannik takutitsivoq.*

#### *Periusissiaq imatut atuarneqassaaq*

Suliniuteqarfissat oqaasertalersorneqartut, suliniutissat sorliit periusissiami takorluukkanut siunnerfinnullu tunngavissiilluarnerussanersut, nalilersuinikkut suussusersineqarput.

Kapitalit naaneri tamaasa immikkoortukkaani suliniuteqarfissat ataasiakkaat iluanni suliniutissat aalajangersimasut iliuuseqarnissamullu sammisut allattorneqarput. Iliuuseqarfigineqartussat taakkua piffissap periusissiap atuuffissaata iluani ingerlanneqartussatut pilersaarusiorneqarput.

## Takorluugaq

### Aatsitassaatigut siuariartortitsissapput atugarissaalersitsissallutillu

Aatsitassarsiornermi suliffissuaqarneq siunissami inuiaqatigiit aningaasaqarneranni annertunerusumik ilaalissaaq, imminut nammattuussalluni arlalinnullu ingerlaveqassalluni: Aatsitassanut suliassaqarfik suliffissuaqarnermik attassisussatut, sullivissanik atugarissaarnerulernermillu qulakkeerisussatut ineriartortissavarput, peqatigisaanillu innuttaasut peqqissuunissaat isumannaatsuunissaallu kiisalu pinngortitaq avatangiisillu paarilluarneqassapput.

|                        |                                                                                                                                                                                                                                                                                                                                                                                                                                                                                                                                                                                                                              |
|------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Aatsitassat            | Aatsitassanut suliassaqarfik inuiaqatigiinnut tamakkiisunut kalluaavoq. Pisortat suliassaqarfii akimorlugit suleqatigiinnerit nukittorsarpagut, aammalu atituumik tapersersorneqarnissaq ujartorlugu.                                                                                                                                                                                                                                                                                                                                                                                                                        |
| Inuussutissarsiorneq   | Aatsitassanik atuinermi aammalu inuussutissarsiutip nukittorsarneqarnerani innuttaasunut arlalinnut isertitaqarfissanut nutaanik periarfissaqalersitsisoqassaaq. Aatsitassarsiornermi suliffissuaqarnerup iluaniinnaanngitsoq, kisianni aamma inuussutissarsiutini suliffissuarnut sullissisartuni. Suliffeqarneq nukittoq atitoorlu, aatsitassarsiornermi inuussutissarsiorneq patajaatsuulluni, atugarissaalersitsilluni inuuniarnermillu qaffasinnerulersitsilluni. Tamanna ungasinnerusumut aningaasaqarnikkut arlaannaannulluunniit attuumassuteqannginnissamut namminersornissamullu periarfissaqarnerulersitsivoq.    |
| Peqqinnissaq           | Peqqissutsinut aatsitassanullu oqartussat aatsitassarsiorfiutileqatigiiffiit suleqatigalugit, aatsitassarsiorfiit eqqaanni patajaatsumik, nakorsaqaarnikkut upalungaarsimanissaq pillugu isumaqatigiissutiniq suliaqassapput. Taamaattoq upalungaarsimasunut taakkununga akisussaaffik, taakkua peqqinnissaqarfimmut pisariaqanngitsumik nanertuinnginnissaat siunertaralugu, aatsitassarsiorfinnit pisussaaffigineqassaaq.                                                                                                                                                                                                  |
| Attaveqaasersuutit     | Attaveqaasersuutit aatsitassarsiorfissami sumiluunniit pingaaruteqartunut ilaapput. Kangerlugut imarlu eqqatsinniittoq aqutigalugu imaatigut aqutissat, aatsitassanut suliassaqarfimmut aamma iluaqutaasumik, attaveqaasersuutit ingerlalluartaunissaannik pisariaqartitsinitsinnut erseqqissaapput. Ilaatigut Geodatastyrelsen imaanut nunap assinginiq nutarterinissaq pillugu suleqatigaarput, aammalu Nuummi Ilulissanilu, aammalu Qaqortumi timmisartoqarfinnik allilerinerit angallavinnik ataqatigiinnik pitsanngorsaasussaapput, taakkunatigullu aatsitassanut suliassaqarfiup ineriartornera tunngavissinneqassaaq. |
| Aalisarnek Piniarnerlu | Aatsitassanut suliffissuaqarneq assigalugu, aalisarnermik piniarnermillu inuussutissarsiuteqarnermi pinngortitaq aallaavigalugu isumalluutit pinngitsoorneqarsinnaanngillat. Suliffissuaqarnerit marluusut tamarmik pinngortitamut avatangiisinullu tunngasut ataqqillugit ineriartortinneqarnerisa isumaginissaa, suleqatigiissutigaarput.                                                                                                                                                                                                                                                                                  |
| Suliffeqarneq          | Suliffeqarnermi assigiinngisitaartitsineq aammalu inuussutissarsiutiniq arlalinnik nutaanillu ineriartortitsineq, innuttaasunut suliffeqalernissamut nutaanik arlalinnillu periarfissaqalersitsissaaq. Innuttaasut pisariaqartitsisut piginnaanngorsarnissaat piginnaasaqarfiisalu ineriartortinnissaat ukkataraarput, taamaallutik taakkua sulisussani ilaalissallutik.                                                                                                                                                                                                                                                     |

|                  |                                                                                                                                                                                                                                                                                                                                                                                                                  |
|------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Ilinniartitaaneq | Nalinginnaasumik ilinniartitaanerup nukittorsarneqarnera inuiaqatigiit ineriartornerannut atituumik iluaqutaassaaq. Innuttaasut ilinniarnissaat suli ukkataraarput, ilaatigut KTI Sisimiuni Aatsitassalerinermut Ilinniarfik aqqutigalugu, aammalu inuiaqatigiinni tamaginni najukkani sulisussanik pilersuinissaq suli pingaartippaaput.                                                                        |
| Avatangiisit     | Aatsitassarsiorfimmik ingerlatsinermi avatangiisinut piumasaqaatinut qaffasissunik malitassaqarpugut, aamma nunanut tamalaanut ataqatigiissillugu isigalugu. Taamaaliornermi nunarput, nunarsuarlu, sapinngisamik annikinnerpaamik nanertorneqassapput. Ammasuunissaq aammalu avatangiisitigut akisussaassusilimmik sulinissaq pillugu aatsitassarsiorfiutiqatigiiffinnik oqaloqateqartarneq suli ukkataraarput. |

*Ilusiliaq 2: Aatsitassanut suliaassarfiup iluani suleqatigiiffiusut.*

## Ukkatarineqartussaq 1: Piujuartitsineq inuiaqatigiillu

Periusissiap iluatsilluarnissaanut aatsitassarsiornermi suliffissuaqarnerup tapersorsorneqaannarnissaa, aalajangiisuulluinnartumik pingaaruteqarpoq. Tamanna nammineerluni pilernavianngilaq, kisianni attaveqatigiinnissaa paasissutissiisarnissarlu pisariaqarlutik. Taamaattumik innuttaasut ingerlaavartumik paasissutissiivigineqartarnissaat aammalu suliniutit ingerlatassallu ingerlasut pillugit tusarniaaffigineqartarnissaat, periusissiami ukkatarineqartussamut pingaaruteqarpoq. Ilanngullugu aamma aatsitassarsiornermi suliffissuaqarnerup inuiaqatigiit tamakkiisuutillugit aningaasarsioritsinerata ersarissarnissaa.

Aatsitassarsiornermi suliffissuaqarnermi aalisartut, piniartut, savaatillit, takornariartitsisartut allallu inuussutissarsiutit mianeralugit suli sulineq ingerlanneqarpoq – taamatullu pinngortitami kulturikkullu pingaartitagit mianerineqartussaallutik. Tamatuma saniatigut nalillit aatsitassarsiornermi suliffissuaqarnermit pilersinneqartut qanoq inuiaqatigiinnut ingerlatinneqartarnersut takutinissaa Naalakkersuisut ukkataraat.

### Siunnerfik

- Aatsitassarsiornermi suliffissuaqarnerup piujuartitsiviusumik inuiaqatigiinni ineriartortinnissaata qulakkeerneqarnissaa.

## Inuiaqatigiinni iluanaarutissat

Naalakkersuisut aatsitassanut suliassaqaqfimmuut tunngatillugu inuiaqatigiinni iluanaarutissanik misissueqqissaarnermik suliqaartitsipput<sup>1</sup>. Naatsorsukkat tunisassiat aatsitassarsiornermi suliffissuaqarnermi aammalu inuussutissarsiutini allani, aatsitassarsiornermi suliffissuaqarnermi pilersuisussanik sulusitsiviusartuni, pilersinneqartut nalinginut, tunngassuteqarput. Tamatuma saniatigut, inuiaqatigiit sinnerini aningaasarsiornerulernertut ilusilimmik, aatsitassarsiornermi suliffissuarni aammalu suliffissuarni allani pilersuisuusuni aningaasarsiornerulersitsinermi, iluanaarutit malittaasut nassuiarneqarput.

Aatsitassanik peqarfinnik annertuunik Kalaallit Nunaat peqaraluartoq, aatsitassarsiornermi suliffissuaqarneq 2021-mi 316 mio. koruuninik, aningaasaqarnerup 1 %-ngajaannaanik, tunisassiorfiusimasoq, misissueqqissaarnermi takutinneqarpoq<sup>2</sup>. Aatsitassarsiornermi suliffissuaqarnerup nalinga, aatsitassarsiorluni suliffissuaqarnerpiami aammalu suliffissuarni allani pilersuisuusuni il.il. tunisassiornerup nalingatut naatsorsorneqartooq, 445 mio. koruuninut missingersorneqarpoq. Tassani Kalaallit Nunaanni suliffeqaqfinni tunisassiornerup kiffartuussinerullu nalingi pineqarput.

---

<sup>1</sup> Deloitte, 2024: Makroøkonomisk analyse af den grønlandske råstofbranches samfundsmæssige betydning (Link: <https://govmin.gl/ka/publications/makroøkonomisk-analyse-af-den-groenlandske-raastofbranches-samfundsmæssige-betydning-deloitte-november-2024/>).

<sup>2</sup> Aatsitassarsiornermi suliffissuarni tunisassiorneq tassaavoq nioqqutissat tunisassiarineqartut sullissinerillu ilanngaasiinnginnermi nalingat. Nunami namminermi aningaasaqarnermut ataqaatigiissillugu, nunatsinni tunisat ataatsimut nalingat, BNP, tunisassiornerup ilanngaasiinnginnermi nalingatut, tunisassiamut akileraarutit ilanngullugit (ilanngaaseereermermi) tunisassiornermi atuineq ilanngaatigalugu, naatsorsorneqartartoq, aamma atorineqartarpoq. BNP inuussutissarsiutini naatsorsorneqartannngilaq, taamaattumik tunisassiorneq aningaasaqarnikkut ingerlatat nalinganni tikkuussisutut atorineqarluni. Najoqqutarineqarpoq Naatsorsueqqissaartarfiup Naatsorsueqqissaarnernut katersugaatai.



Suliffissuaqarnermi ingerlatseqatigiiffinni 30-ngajanni tamakkiisumik suliffissaqartinneqartut 100-t missaanniipput. Tamanna suliffissaqartinneqartut tamarmiusut 0,4 %-iisa missaannik annertussuseqarpoq. Appassisumiinnera, suliffissuit annertuumik nunanit allaneersunik sulisoqartarnerat, eqqarsaatigalugu isigineqassaaq. Misissueqqissaarnermi aammattaaq missingersorneqarpoq, inuit 10-t aatsitassarsiornermi suliffissuaqarnermi sulisorineqalernerit tamaasa, inuk ataaseq inuussutissarsiutini allani, aatsitassarsiornermi suliffissuaqarnermut suliassanik suliarinnittartuni, sulisorineqalertarpoq.

Mingutsitsinngitsumik nukissiornermut allanngortitsinissaq aatsitassanik pisariaqartitsiviusoq, aatsitassanik Kalaallit Nunaata nunap sannaani tapersiinissamut periarfissaqarfigisaannik, annertooujussuarmik ujartuilersitsivoq. Taamaalluni aatsitassarsiornermi suliffissuaqarneq annertuninngorluni annertusiartornissamut aammalu aningaasaqarnerup, maannakkut aalisarnermit, takornariartitsisarnermit aammalu illuliornermik sanaartornernillu suliaqarnernit tunngaveqarnerusup, assigiinngisitaartinneqalernissaanut, iluaqutaanissamut tunngavissaqarpoq.

Aatsitassarsiorfinnik ingerlatsineq maannakkorpiaq killeqaraluartoq, aatsitassarsiornermi suliffissuaqarnermi aatsitassarsiorluni misissuineramik sanaartornernillu ingerlataqarneq pingaaruteqannginngitsumik suliaqarnermik malitseqarpoq. Aatsitassarsiorluni misissuinermit tammaarsimaarfinnik, inuiaqatigiit innaallagiamik pilersuinermit attaveqaasersuutaannit, pisiniarnissamut periarfissanut il.il. avinngarusimasumi inissisimasunik, ikkussuineq, ingerlatsineq piiaaqqittarnerlu inunnik agguaqatigiissillugu 60-it missaannik suliffissaqartitsiviuvoq<sup>3</sup>. Taakkua ilaatigut assartuussinermik, nerisaqartitsinermik, ingerlasussanik piareersaanermik, VVS-inik, sanasutut suliaqartunik, svejserinermik, qillerinermik suliaqarnermik, qaartiterinermik, maskiinanik atortunillu attartortitsinermik iluarsaassisarnernillu, eqqagassalerinermik, isumannaallisaanermik kiisalu ujarassiornerup, geofysik-ip avatangiisillu iluanni misissueqqissaarnermik siunnersortitullu suliaqarnermik, suliaqartinneqarput.

Aatsitassarsiornermi suliffissuaqarnermut taakkunungalugu pilersuisuusunut tapiliullugu, aatsitassarsiorluni suliaqarnerit, inuussutissarsiutini aatsitassarsiornermi suliffissuaqarnermut attuumassuteqanngitsuni, malittaasunik sunniuteqartitsisarput. Malittaasumik sunniinerit, atuinerulernertut aningaasaliinerulernertullu ilusillit, aatsitassarsiornermi suliffissuaqarnermi taakkunungalugu pilersuisuusuni aningaasarsiorititsinermik aallaaveqarput.

Aatsitassarsiornermi suliffissuaqarnermi aningaasaqarnikkut ingerlataqarnerit, inuit akileraarutaannit, ingerlatseqatigiiffiit akileraarutaannit pissarsianullu akileraarutinit kiisalu royalty-nit pisortat karsiinut isertitaqartitsisarput. Ingerlatseqatigiiffiit inuillu akileraarutaattut kiisalu royalty-tut ilusilinnik aatsitassarsiornermi suliffissuaqarnermi pisortat isertitaannik naatsorsuinissamut paasissutissanik nalunaarsukkanik tunngavissaqanngilaq, kisianni ilaannakortumik naatsorsuinerup takutippaa 2022-mi 20 mio. koruunit isertitarineqarsimasut.

## Aatsitassarsiorfiup atuuffissaani immikkoortuni tamaginni aningaasarsiorititsineq

Aatsitassarsiorfiup piffissami atuuffissaata immikkoortorpassuini tamat Naalakkersuisut paasisaqartissavaat, tamannalu suli paasissutissiinissamut suliassatut pingaaruteqartutut isigaarput.

---

<sup>3</sup> Apersuinerit aallaavigalugit naliliineq.

Misissueqqaarnernit siullernit aatsitassarsiorfiup tunisassiulernissaata tungaanut aningaasarsiorfitsinerup ilusaa allanngortarpoq, aammalu inuussutissarsiutit assigiinngitsut pisup ingerlanerani piffissani assigiinngitsuni akuutinneqartarput. Assersuutigalugu ingerlasussanik piareersaanermik, aatsitassarsiorluni misissuinermi tammaarsimaarfinni sullissinerniik aammalu inatsisilerinikkut aningaasaqarnikkullu siunnersuinernik, aatsitassarsiorluni misissuinerup immikkoortuani sivisuumi najukkani pilersuisuusut ikiuutilereertarput. Pilersuisuusut suliaassai taakkua, suliffissaqartitsineq aammalu akileraarutinit isertitat inuiaqatigiinni tamaginni Naalakkersuisut ersarissuutikkusuppaat. Inuiaqatigiinni suliniutit suliffissuit inuiaqatigiinnut iluaqutaasumik aningaasaliivigisartagaat, aamma ersarinnerusumik paasissutissiissutigerusuppagut.

Aatsitassarsiorfiup matuneqarnerani aatsitassarsiorfiup ingerlanera unittanngilaq. Innuttaasut matusereernerup kingorna pisut ingerlanerat pillugu paasissutissinneqassapput. Aatsitassarsiorfiup sumiiffiani ingerlatsiviusumi matusinermi alloriarnerit assigiinngitsut assersuutigalugu tassaapput pinngortitami sumiiffinnik iluarseeqqinneq, sumiiffiit sukisaarsaarnermut siunertanut ineriartortinneqarneri imaluunniit aatsitassarsiorfimmi attaveqaasersuutiniq ingerlatanut allanut atuilerneq. Aatsitassarsiorfiup matunerata kingorna inuunermut takorluukkani innuttaasut akuutinneqassapput, aammalu pisut ingerlasarneri angusallu pillugit ersarinnerulersitsiniarluta.

Aatsitassarsiornermi suliffissuaqarneq pillugu pitsaanerusumik annertunerusumillu innuttaasunut paasissutissiisarnissaq Naalakkersuisut ukkatariniarpaat. Saffiugassat tunisassiani ulluinnarni avatangiiserisatsinni qanoq ilaatinneqartarnersut annertunerusumik paasisimalersinneqassaaq. Pingaartumik mingutsitsinngitsumut allanngoriartortitsinermi teknologiimilu takussaasut. Aamma ujarassiornerup teknologiillu akornanni suliaasaqarfimmi meeqqat atuarfianni atuartut aallussitinnissaat ukkatariniarparput.

Ujarassiorit innuttaasut suliaqartillugit paasissutissiinermit suliniuteqarnermut sivisunerusumik ingerlanneqartumut assersuutissaavoq. Inuit nammineq kajumissutsiminnik ujaqqanik misissugassanik ujarassiuut nalilersugassaannik katersisarpit nassiussisarlutillu. Ujarassiorit ukiuni 35-ni atuussimavoq, aammalu ukiut ingerlaneranni nunarput tamakkerlugu innuttaasut hunnorujulikkaat ujaqqanik misissugassanik nalilersorneqartussanngorlugit nassiussisarsimapput. Piffissami periusissiap atuuffissaani pisussami pingaartumik kinguaariit inuusuttortaasa angunissaat ukkatarineqarpoq. Meeqqat atuarfianni ilinniarnertuunngorniarninilu atuaqatigiinnut attaveqaqatigiinneq sammitinneqarpoq, taakkua – assersuutigalugu atuartut ulluinnarni saffiugassanik atuinernik paasissutissiisarneq pillugu unammisitsinertigut - suliaqartinneqassallutik.



*Ilusiliaq 3: 2024-mi Ujarassiorup meeqqat atuarfianni atuartunut unammisitsineranni atuartut ajugaasut, Atuarfik Hans Lynge-mi 2.A. (Assiliisoq: AHL).*

### **Suliniutissat aalajangersimasut**

- 1.1. Aatsitassarsiornermi suliffissuaqarnermut isummertarnerit pillugit innuttaasuni misissuinernik minnerpaamik marlunnik ingerlatsinissaq.
- 1.2. Aatsitassanut suliassaqaarfimmi paasissutissiisarnerup ukkatarineqarnera, ilanngullugit ilinniartitaanermut suliffissanullu periarfissat, aammalu aatsitassanut suliassaqaarfik aamma aatsitassat inuiaqatigiinni aningaasarsiortitsinerat pillugu innuttaasut oqaloqatiginerunissaat.
- 1.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa.

### **Silap pissusaa avatangiisillu**

Silap pissusaa avatangiisillu eqqartoraangatsigu aatsitassat oqaluuserinissaat avaqqunneqarsinnaasanngilaq. Aatsitassarsiorluni suliaqarneq taamaalilluni inuiaqatigiinnut avatangiisinullu ataatsimoortunik pitsaasunik pitsaanngitsunillu sunniuteqarnissami nalilersorneqarpoq. Aatsitassat mingutsitsinngitsumut allanngoriartortitsinerumut nunarsuarmi pisariaqartinneqartut Paris-imi isumaqatigiisummi piumasarineqarput. Assersuutigalugu biilini innaallagiatortunik tunisassiornermi nunarsuarmi annertusiartuinnartumi batteriitut aammalu anorisaatini kajungerisanut, aatsitassat Kalaallit Nunaanni nunap iluaniittut pinngitsoorneqarsinnaanngillat, kisianni aatsitassat piujuartitsiviusumik piiarneqarnissaat

pingaaruteqarpoq, tassami erngup nukinganik imaluunniit allamik mingutsitsinngitsumik nukissioriaatsimik atugassaqaqnginnermi, aatsitassarsiorfinnik amerlanerusunik pilersitsineq Kalaallit Nunaata CO<sub>2</sub>-nik aniatitsineranut malunnaatilimmik pisooqataavoq. Aatsitassarsiorfiit avinngarusimasumi inissisimaneranni, taakkua erngup nukinganut pioreersumut, tamanit atorneqarsinnaasumut, attavilernissaat amerlanertigut ajornartarpoq, aammalu aatsitassarsiorfinnut ataasiakkaanut aaqqiissutissanik pilersitsinissaq akisuujusinnaalluni. Taamaattumik suliffissuit suleqatigalugit suliniutit, attaveqaasersuutit nukissiornermi eqqortut, soorlu erngup nukinga aamma anorip nukinga, iluanni arlalinnik mingutsitsinngitsunik aaqqiissutissanik suliaqarnissamik orniginartunngortitsisussat ajornarunnaarsitsisussallu, Naalakkersuisut sulissutiginiarpaat.

Aatsitassanik Suliassaqaarfinnik Avatangiisinut Aqutsisoqarfik oqartussaavoq, aatsitassanut tunngasunik suliaqarnernut atatillugu avatangiisinut, pinngortitamut silallu pissusaanut tunngasunut maleruagassiisartoq. Aqutsisoqarfik taanna, inuussutissarsiornermut soqutigisat aamma pinngortitamut avatangiisinullu soqutigisat akornanni naalakkersuinnermut attuumassuteqaqnginnissaq qulakkeerniarlugu, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfiup ataani inissisimavoq. Aatsitassanut allaffissornikkut aqutsisut (Inuussutissarsiornermut, Niuernermut, Aatsitassanut, Inatsit Atuutsinneqarnerannut Naligiissitaanermullu Naalakkersuisoqarfik aamma Aatsitassanut Ikummatissanullu Aqutsisoqarfik), suliffissuaqarnerup iluani avatangiisinut malitassat naammassineqarnissaat pillugu Aatsitassanik Suliassaqaarfinnik Avatangiisinut Aqutsisoqarfik qanimut suleqatigaat.


Aatsitassarsiornermi suliffissuit piujuartitsisumik pissusilersornissamut kajumissuseqalersissavagut. Suliffissuaqarnertut allatuulli, aatsitassarsiornermi suliffissuaqarnermi avatangiisini inooqatigiinnermilu tunngavissat kiisalu suliffeqarfiit pissusilersortarnerat (ESG - Environmental, Social and Governance) ukkatarineqarput. Ingerlatseqatigiiffiit tamanna iluaqutissartaqartutut isigaat, tassami tamanna annertunerusumik unammilleqatigiinnermi tunngavissaassammat, peqatigisaanillu piujuartussamik aningaasaqarnikkut siuariartortitsinissamut aqutissiuussisuulluni. Pingaartumik aningaasarsioritsinissaq eqqarsaatigalugu, aammalu inuiaqatigiinni kalaallini immikkoortuni arlalinniittut – inuit ataasiakkaat, kattuffiit, ingerlatseqatigiiffiit allallu soqutiginnittut - qanimut oqaloqatigalugit. Aatsitassarsiornermi suliffissuit qanimut oqaloqatiginerisigut ESG-imut suliassaqaarfik Naalakkersuisut ukkatarinerulersinniarpaat.

### **Suliniutissat aalajangersimasut**

- 1.4. Avatangiisini inooqatigiinnermilu tunngavissanut kiisalu suliffeqarfiit pissusilersortarnerannut tunngatillugu (ESG-nut suliassaqaarfik) aatsitassarsiornermi suliffissuarnik oqaloqateqarneq.
- 1.5. Suliniutinik, ataavartumik nukissiuutinik atuinermi suliffissuarnut pitsaanerusunik atugassaqaartitsilersinnaasunik, suliaqarneq aallartitsinerlu.
- 1.6. Ilisimatusarfinnik Issittup aamma ataavartumik nukissiornerup, assersuutigalugu erngup nukinganik seqernullu nukinganik, iluani misilittagalinnik suleqateqarnerulernissaq.

## Paasissutissat: Kalaallit Nunaanni aatsitassanut suliassaqarfimmi avatangiisinut maleruagassiineq

### Aatsitassarsiornermi avatangiisinut periusissiami suliniuteqarfiit aamma aatsitassarsiorluni suliassap ingerlanerata imminnut ataqtiginnerat



Ilusiliaq 1: Aatsitassanut avatangiisinut periusissiami suliniuteqarfissat aamma aatsitassarsiorfissat atuunnerisa ingerlasarnerat.

## Ilinniartitaaneq sulisussallu

Aatsitassarsiorluni misissuineri aatsitassarsiorfinnillu suliffissuaqarnermut sulisussanik pilersuisinnaassuseqaannarnissarput pisariaqartinneqarpoq, assersuutigalugu KTI Sisimiuni Aatsitassalerinermut ilinniartik aqutitigalugu. Naalakkersuisut KTI Aatsitassalerinermut ilinniartuup suleqatigilluarnera, aammalu aatsitassarsiornermi suliffissuit ilinniartitaanermi pisariaqartitsineq attuumassuteqartoq pillugu oqaloqatigisarneri, ingerlatiinnarpaat. Kinguaariaani pinngortitaq pillugu annertuumik ilisimannilersimavugut ilisimasaqalersimallutalu, taamaalillutalu inuuniarnerup ingerlatiinnarnissaa, pisuussutit uumassusilinnik piujuartitsisumik atorluannikkut, ilikkarsimallutigu. Piniarnermik aalisarnermillu inuussutissarsiuqarunnaarnermi ileqquusuni ilisimasat ilikkakkallu taakkua annaaneqariaannaapput. Kulturerput naleqqussarsinnaanitsinnik nutaanillu ilikkagaqartarnitsinnik tunngaveqarpoq. Ilinniartitaaneq nutaanillu ilisimasaqaleriartorneq, tunngaviusumik pikkorissutsitsinnik pissusissamisoortumik ineriartortitseqqinnertut Naalakkersuisut isigaat. Taamaattumik aatsitassarsiornermi suliffissuaqarnerup iluani ilinniarnissap soqutigineqarnerulernissaa Naalakkersuisut sulissutigaa. Tassani iluaqutaasumik piginnaasaqarfiit piginnaangorsaalluni pikkorissaanertigut suliniutissani inerisarneqartut, suliffissaqartitsinerulernissamut siunnerfeqartut, arlallit iluaqutaasumik atorluarneqarsinnaapput.

Sulisussat piukkunnartut suaassutsitigullu assigiinngisitaartut pilerilersinnissaannut pitsaasumik isigineqarnissaq suliffissuit pisariaqartippaat. Tamanna inuiaqatigiinni inissisimatitsinermik nukittorsaaqataavoq, aammalu suaassutsit assigiinngisitaarnerat ataatsimut isigalugu suliassaqarfippasut iluanni aalajaatsunngortitsivoq.



## Suliniutissat aalajangersimasut

- 1.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa.

## Suliffissuaqarnek suaassutsini assigiinngisitaartitsiviusoq

Aatsitassarsiornermi suliffissuaqarnermi naligiissitaaneq suliassa qarfiuvoq siusinnerusukkut annertuumik ukkatarineqarsimanngitsoq, kisianni suliffissuarnut aammalu inuiaqatigiinni inuiaqatigiit aningaasaqarnerannut tunngasuni pitsaasumik sunniisinnaasoq. Suliffissuaqarnermi suaassutsinik assigiinngisitaartitsineq nutaaliornermik, assigiinngitsunik piginnaasaqartunik atorluaanermik siuarsaasinnaavoq, aammalu pikkoriffillit amerlanerusut pilerilersinneqarsinnaallutik. Taamaaliornermi suliffissuit inuiaqatigiinnut aningaasarsioritsinerulersinnaapput. Suaassuseq apeqqutaatinnagu inuiaqatigiinni suliaqarnissamut naligiinnik periarfissaqarnek, assersuutigalugu suliffeqalernissamut naligiimmik periarfissaqarnikkut, aatsitassarsiorfimmik ingerlatsinerup inuiaqatigiinni akuersaarneqarneranut pitsaasumik aamma sunniuteqarsinnaavoq (*social license to operate*). Tamanna aatsitassarsiornermi suliassa qarfiup aamma najukkani inuiaqatigiit akornanni pitsaasunik atassuteqaqatigiilersitsisinnavaoq.

Assigiinngisitaartumik suaassutsinik ataatsimuulersitsinerup paasinniffiginerulernera, aammalu aatsitassarsiorfissanut atatillugu suaassutsinut sunniinerit, taamaalillutik aatsitassarsiornermi suliffissuit ingerlatsinerminni angusaannut siunnerfiinullu pitsaasumik iluaqutaasinnaapput. Inuiaqatigiinni arnat angutillu naligiimmik periarfissaqarnissaat, suaassutsinik misissueqqissaarnerit, piffissap periusissiap atuuffissaata iluani ineriartortinneqartussatut kissaatigineqartut aqutugalugit suaassutsinik akuliutsitsinerup iluani Naalakkersuisut suliniutaannut tunngavissiusaavoq.

## Suliniutissat aalajangersimasut

- 1.8. Aatsitassarsiornermi suliffissuaqarnermi suaassutsinut misissueqqissaarnernik aamma suaassutsit agguarsimanerannut naatsorsueqqissaarnernik aallaaviusussanik suliaqarnek.
- 1.9. Suliffeqarnerup suaassutsinut agguarsimasup akiornissaa siunertaralugu aatsitassarsiornermi suliffissuaqarnermi sullivinnut naligiissitaanerup paasititsiniutiginerata ingerlanneqarnera.
- 1.10. Aatsitassarsiornermi suliffissuarnut naligiissitaanerumut ilitersuutinik, ingerlatseqatigiiffiit ingerlatseqatigiiffiup suliassa qarfiisa immikkoortuini tamaginni suaassutsinik tamaginnik akuliutsitsinerulersinnaanersut, erseqqissaasunik, suliaqarnek.

## Digitalimik najuunnissaq

Digitalimik naapittarfinni Naalakkersuisut suli ersarissuusussaapput, aamma inuit akornanni attaveqatigiittarfinni. Aatsitassanut allaffissornikkut aqutsisut nittartagaq govmin.gl, suliffissuarnut paasissutissanut, aatsitassarsiorluni misissuinerumut aatsitassarsiorfinnullu attuumassutilinnut, suli atorpaat. Siunissami govmin.gl aamma ilisimasaqarnerulernermut paasissutissanullu innuttaasunut sammititanut atorneqassasoq naatsorsuutigineqarpoq, soorlu assersuutigalugu qaqqat sisoortarnerannut suliassa qarfiup iluani tamanna maannakkut takuneqarsinnaalereersoq. Inuit akornanni attaveqatigiittarfiit ornigulluni suliaqarnek siumullu ingerlasut, aammalu nunap sannaata

inuiaqatigiillu akornanni attuumassuteqarfiusut iluanni pisut pingaarutillit allat pillugit oqaluttuassat nuannersut siaruarternissaannut atorneqarput.

### Suliniutissat aalajangersimasut

- 1.11. Aatsitassanut suliassaqarfimmut paasissutissiisarnermut nittarsaassisarnermullu periusissiamik nutaamik suliaqarneq atuutsitsilernerlu.



*Ilusiliaq 2: Kalaallit Nunaata kujataani kuultisiorfimmi Nalunami nakkutilliineq, 2024. (Assiliisoq: Aatsitassanut Ikummatissanullu Aqutsisoqarfik).*



## Ukkatarineqartussaq 2: Aningaasaliinissamut sinaakkutissat orniginartut

Aatsitassarsiornermi suliffissuaqarneq ineriartorteqqinneqassaaq aammalu inuiaqatigiit aningaasaqarnerannut annertunerusumik tapersiissalluni. Aatsitassanut allaffissornikkut aqutsisut unammilligassat periarfissallu pillugit sulii aatsitassarsiornermi suliffissuit oqaloqatigaat.

Aatsitassanut suliassaqrarfiup akisussaaffigilerlugu tiguneqarneraniit ukiut 15-it qaangiunneranni suliniuteqarnerit aallartinneqarsimasut killiffissiornissaannut piffissanngorpoq. Politikkikkut suliniuteqarnerit suut iluatsissimanersut aammalu suliffissuarnut orniginartunik sinaakkutissiinissamut suut nutaat pisariaqarnerisut, qiviassallugit pingaaruteqarpoq.

Kalaallit Nunaanni one-door-imut tunngaviusoq aamma nunap sannaanut ilisimatuussutsikkut paasissutissat nalunaarsukkat pissarsiariuminartuunerat, suliniuteqarnerup iluatsissimaneranut aammalu suliffissuit nammineerlutik ingerlataannut pitsaasumik iluaqusiisunut, assersuutissaapput. Siusinnerusukkat piffissani periusissiat atuuffiini suliassanik suliarinnittarnerup allaffissornikkullu aqutsinerup naleqqussarneqarnissaat ukkatarineqarsimavoq, assersuutigalugu qinnuteqaatinik suliaqarnerup ingerlanerinit oqilisaaniarluni internet-ikkoortumik qinnuteqaatinut iserfissiamik atuutsitsisoqalersimavoq, aammalu ersarinnerulersitsiniarluni malitassat suleriaatsillu assigiinngitsut suliarineqarsimallutik.

Naalakkersuisut nunani tamalaani ataatsimeersuarnerni assigiinngitsuni Kalaallit Nunaanni aatsitassanut periarfissaqrarfiit nittarsaattarsimavaat, aammalu aatsitassarsiorfiutileqatigiiffinnik aningaasaliisartuusinnaasunillu ataatsimeeqateqarnerit ingerlanneqartarsimallutik. Taamaattoq aatsitassarsiornermik suliaqartut suliassaminnut aningaasaliisussarsiniartarnermi annertuunik sulii unammilligassaqartut ersarippoq. Tamanna Kalaallit Nunaanni suliassanut immikkut ajornartorsiutaanngilaq, kisianni nunarsuarmi unammillernartuulluni.

Naalakkersuisut piffissami periusissiap atuuffissaani suliniutit atorsinnaasut ingerlateqqinniartaat, aammalu aatsitassarsiornermik suliaqartut suleqatigisartakkagullu suleqatigalugit suliniutissanik nutaanik atuutsitsilerniarlutik. Assersuutigalugu aningaasaliinernut aningaasaateqarfinnik ataatsimeeqateqarnissanut aqqutissiuussinikkut, toqqaannartumik nittarsaassisarnikkut aamma IBA-nut isumaqatigiissutinik nalilersueqqinnikkut. Aatsitassarsiorluni misissuinermit piiiaanermullu suliniuteqarnerit kiisalu najukkani aatsitassanut tunngasunik suliaqarnerit tassani takuneqarsinnaapput. Najukkani aatsitassanut tunngasunik suliaqarnerit pillugit inatsit nutaaq, annikitsumik aatsitassarsiorinissamut suliassaqrarfinni nukittorsaassasoq, naatsorsuutigineqarpoq, aammalu piffissap periusissiap atuuffissaata ingerlanerani sunniutaasussatut naatsorsuutigineqartut malinnaaffigeqqissaarneqassapput.

### Siunnerfik

- Piujuartitsineq, aningaasaqarnikkut siuariartorneq, siuarsarpagut.

## Aningaasaliinerit

Kalaallit Nunaat annertooujussuarnik aatsitassaqarnissaanut periarfissaqarpoq, taamaattumillu aamma aningaasaliinissamut periarfissanik siuarsaanissaq pisariaqartinneqarluni, tassami aatsitassarsiorfinnik pilersitsinermit atasumik aningaasartuutit qaffasissuusarput. Piffissami periusissiap atuuffissaani matumani, ilaatigut nunani tamalaani suleqatigisartakkagut akuutillugit, aatsitassarsiornermi suliffissuit aamma aningaasaliinermut aningaasaateqarfiit akornanni



ataatsimiinnissanut aqutissiuussinikkut, aningaasaliiumalersitsinissamut suliniutinullu aningaasalersuinernik siuarsaanissamut, suliniutissat aallartinneqassapput.

Aatsitassarsiorfimmik ingerlatsinermi annertoorujussuarnik aningaasaateqarnissaq pisariaqarpoq aammalu ungasissorujussuarmut aningaasaliinerit tassani pineqarput. Aatsitassarsiorfimmik pilersitsinissaq, aatsitassarsiorluni misissuinerup immikkoortuanit siullermit aatsitassarsiorfiup ammarnissaata tungaanut, agguaqatigiissillugu ukiunik 16-inik sivilissuseqartarpoq. Piffissaq taanna isertitaqarfiusanngilaq aammalu misissueqqissaarnernut, asimi suliaqarnermut, misissuinerut aamma illunik attaveqaasersuutinillu sanaartornermut, amerlanertigut teknikkikkut qaffasissunik piumasaqaateqarfiusartunut il.il. aningaasartuuteqarfiuinnartarpoq. Maannakkorpiaq suliassanik piginnittut aningaasaqarnikkut annaasaqarsinnaanerup annertunersaa nammattarpaat aammalu aningaasaliisussaqaannginneq nunarsuarmi ineriartornermut akimmisaartitsisarpoq. Tamatuma kingunerisaanik suliassat ilai, nunap sannaq pitsaasuugaluartoq periarfissaqarfiillu pitsaasuugaluartut, ineriartortinneqartanngillat.

Annaaneqarsinnaasunik aningaasaliisussaqaartannginneq kisimi ajornartorsiutaasanngilaq. Aamma nunanut allamiut unammillernissaannut illersuineq aamma pingaaruteqarpoq. Nunani allani politikkikkut suliniuteqarnerit, naalagaaffiit tapersiisarnerattut imaluunniit niuerfimmi tiguaasimaarnertut ittut, nunarsuarmi akigititanut, taamaalillutillu Kalaallit Nunaanni suliassanut unammillersinnaassuseqarnermut, sunniisarput.

Taamaattumik Kalaallit Nunaanni suliassanut aningaasalersuutissarsiniartarnermi anigorniagassat, piffissami periusissiap atuuffissaani oqaluuserisassani qaffasissumiipput.

Ilaatigut toqqaannartumik nittarsaassineq atorlugu aammalu nunani tamalaani nuisitsinerni peqataanertigut, ingerlatseqatigiiffinnik nutaanik Naalakkersuisut suli pilerilersitsiniartassapput. Siunissami Canadami nittarsaassivimmi PDAC-mi peqataanissaq aammalu ilaatigut aatsitassarsiorfiutileqatigiiffinnik aningaasaatilissuarnut sammisumik toqqaannartumik nittarsaassisarnerup, 2023-mi aallartinneqartup ingerlatiinnarnissaa, pingaartissavagut.

Tamatuma saniatigut nunanut aatsitassanik eqqussuisartunut aningaasalersuisussaqaarnermik ajornartorsiuteqarnerup oqaluuserisarnera Naalakkersuisut ingerlatiinnarniarpaat. Sakkussaasinnaasut taakkua tungaanniit atorneqarsinnaasut tassaasinnaapput, eqqussuinerminnut/avammut nioqquteqarnerminnut aningaaserivimminniit taarsigassarsinissamik periarfissamik ammaassineq, taarsigassarsinernut qularnaveeqqusiinerit, suliassanut toqqaannartumik tapersiinerit imaluunniit teknikkikkut siunnersuinerit imaluunniit aatsitassarsiorfiutileqatigiiffiit sullitassaasinnaasullu (off-takers) akornanni B2B-mi ataatsimiinnernut aqutissiuussineq.

Annikitsumik aatsitassarsiornermut suliassaqaarfik akuersissummik allagartaliisarnermut aaqqissuussinermik tapertaqartinneqassaaq. Aaqqissuussineq annikitsumik aatsitassarsiorinissamut pisinnaatitsissummik pigisaqartunut, aatsitassanik tuniniaaqqittartunut, naleqarnerulersitsissasoq naatsorsuutigineqarpoq. Akuersissummik allagartaliisarnermut aaqqissuussineq, naalakkersuisoqarfinni suliassaqaarfiit akimorlugit kalaallit tunisassiaasa arlallit iluanni atuutsinniarneqassaaq. Annikitsumik aatsitassarsiornermut suliassaqaarfimmi akuersissummik allagartaliineq, aatsitassanut imaluunniit ujaqqanut pinneraasiassanut ataasiakkaanut, paasissutissat soorlu assersuutigalugu sumi nassaarineqarsimanersaq aammalu aatsitassap nassuiaatai, erseqqissumik allassimatillugit, malittaatinneqassasoq naatsorsuutigineqarpoq.

Akuersissummik allagartaliinissaq pillugu qinnuteqarnermi aamma nassaarineqartut ataasiakkaat assilinerat malittaatinneqartassaaq.



Ilusiliaq 6: Kalaallit Nunaata kujataani kuultisiorfimmit Nalunamit, 2024. (Assiliisoq: Amaroq Minerals).

### Suliniutissat aalajangersimasut

- 2.1. Aatsitassanut nittarsaassivimmi Prospectors & Developers Association of Canada Convention (PDAC) nittarsaassisarnerup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq.
- 2.2. Ilaatigut avammut nioqquteqarnermut eqqussuinernullu aningaaseriviit aqutugalugit suliaasat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.
- 2.3. Kalaallit Nunaanni akileraarutitut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit.
- 2.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput.
- 2.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aqutissiuussisarneq.

- 2.6. Aatsitassat ataasiakkaat nassaarineqartut naleqarnerulersinnissat siunertaralugu annikitsumik aatsitassarsiornermut suliassa qarfirmi pisinnaatitsissummik pigisaqartunut akuersissummik allagartaliisarnermut aaqqissuussinermik ineriartortitsineq.

## Akuersissutit piumasaqaatillu

Nunatsinni sulianik ingerlataqarnerit ingerlaannarnissat, ingerlatseqatigiiffiit aatsitassarsiorluni misissuineramik suliaqartut sumiiffinni akuersissute qarfiusuni akuerineqartuni aatsitassarsiorlutik misissuinissamut pisussaaffilernerisigut, Naalakkersuisut qulakkiissavaat. Nunami sumiiffinni sumiiffinnut nutaanut ingerlatseqatigiiffiit pilerilersinnissat sulissutigissavarput, aammalu suliassani siumut ingerlatitsinissaq ukkatarissavarput.

Pinngortitami isumalluutiniq piujuartitsiviusumik sunniute qarluartumillu aqutsineq, Naalakkersuiso qarfiit suliassa qarfiit akimorlugit pitsaanerusumik atassusiisarnikkut, qulakkiissavarput. Inatsisit aamma akuersissutinut atugassarititaasut aalajaatsut paasiuminartullu peqqinnartumik suliffissuaqarnermut tunngavissaliissapput. Nunat uagutsinnut sanilliuttakkagut ingerlaavartumik qiviartassavagut, aammalu unammillersinnaassuseqarnerput, maleruagassagut allaffissornikkullu suleriaatsigut nalilersortassallutigu.

### Suliniutissat aalajangersimasut

- 2.7. Ataasiakkaatigut pisariaqartitsilernerami aammalu isumaqatigiissut taamaattoq aatsitassarsiornermi suliffissuaqarnermut tunngavissisinnappat, siunnerfilimmik akileraartarnermut isumaqatigiissutit sulissutigineqarnerat.
- 2.8. Suliffissuit akornanni sunnee qatigiittarnerup tunngavissinnissaanut, ilaatigullu assartuussinerup internet-ikkullu attaveqatigiinnerup iluanni attaveqaasersuutit nukittorsarniarlugit, pisortani oqartussat akornanni suliassa alertartut suleqatigiissutiginerulernissat.
- 2.9. Naalakkersuiso qarfiup peqquserluttoqannginnissaanut politikkiata nutarterneqarnera.

## Allaffissorneq suliassanillu suliarinneq

Akuersissutinut suleriaatsit pitsanngorsarneqassapput. Siunnerfigineqarpoq qinnuteqarnerup ingerlasarnera, tamatumalu kingorna suliassanik suliarinneq, eqaannerulersinneqassasut. Assersuutigalugu digitalinngorsaanerunertigut suliat ingerlasarnerisa pisariinnerunissat, ersariinnerunissat sukkanerunissaallu sulissutigineqassapput. Suliffissuarnut ilitsersuutiniq, aammalu assersuutigalugu Inuiaqatigiinni piujuaannartitsisumik ingerlatsinissamut nalilersuinerput (VSB) kiisalu paasissutissanik nalunaarsukkanik nalunaarusiorneqartussanut malitassat nassuiaassutaannik, pitsanngorsaanissaq Naalakkersuisut suli sulissutigaat.

Piffissami asimi sulia qarfiusartumi Nuup avataani ornigulluni najuuttarneq oqartussat suliarinneqarnermi sunniute qarnerulersitsisinnassanersoq Naalakkersuisut misissorpaat aammalu pingaartumik annikitsumik aatsitassarsiornermut pisinnaatitsissummik pigisaqartunut sullissinerput pitsaanerulersissallugu. Kalaallit Nunaata kujataani, aatsitassanut tunngasunik amerlasuunik sulia qarfiusumi, nammineq najuulluni suliniummik misileraataasussamik pilersitsisoqassaaq.

## Suliniutissat aalajangersimasut

- 2.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqatigiinnerulernissaq ilanngullugu.
- 2.11. Suliassanik suliarinnittarnerup eqaannerulersinneqarnissaa siunertaralugu akuersissutitut suleriaatsinik, atugassarititaasunik nalinginnaasunik il.il nutarterineq.
- 2.12. Aatsitassanut Ikummatissanullu Aqutsisoqarfiup piffissami asimi suliaqarfiusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq.

## Aaqqissuussaannerup ilusiligaanera

Maannakkut aaqqissuussaannerup ilusiligaanera ingerlaavartumik nalilersorneqartassaaq aammalu suliassat Aatsitassanut allaffissorinikkut aqutsisut suliarisassaasa tunngavissinnissaannut tunngatillugu pitsaannerulersinneqassalluni. Inuussutissarsiornermut, Niuernermut, Aatsitassanut, Inatsit Atuutsinneqarnerannut Naligiissitaanermullu Naalackersuisoqarfik immikkoortortaqqarpog Naalackersuisoqarfimmi allaffissornermi suliassanik isumaginnittuusunik. Taamaattoq Naalackersuisoqarfik aamma nittarsaassinerimik ilisimatusarnermillu ingerlatsisarpoq, aammalu nunap sannaanut ilisimatuussutsikkut paasissutissaasivittut atorineqarluni. Naalackersuisoqarfiup ataani Aatsitassanut Ikummatissanullu Aqutsisoqarfiup akuersissutit aamma akuersissuteqarnerit allaffissorinikkut aquppai aammalu aatsitassanut tunngasunik suliaqarnermut inatsit naapertorlugu nakkutilliisarluni.

Aaqqissuussaannermi maannakkut atuuttumi, avatangiisinut apeqqutit pillugit aalajangiinerit, akuersissutit nittarsaassinerimillu ingerlataqarnermik akuersissuteqartarnerit immikkoortisimaneqarnissaannut tunngatillugu, naalackersuinerimut attuumassuteqannginnissap isumaginissaa pillugu politikkikkut anguniakkat arlaatigut tunngavissinneqarput. Taamatuttaaq inatsisini aalajangiinerit Aqutsisoqarfinni ingerlanneqartut, taakkua naammagittaalliuutigineqarsinnaanerit Naalackersuisunut/Naalackersuisoqarfimmut ingerlatinneqartussaattillugit, naammagittaalliuutiginnaanissaannut periarfissanik annertunerusunik inatsisiniititsisoqarpoq. Pissutsit taakkua aaqqiissutissanut allanut nalilersorneqassapput, tassani aaqqissuussaannerup patajaatsuunissaa aammalu sulisoqarnermut, aningaasaqarnermut suliassanullu tunngatillugu sunniivigeqatigiitsinissaq sillimaffigineqassalluni.

Naalackersuisoqarfimmi Ujarassiornermut Immikkoortortaqqarfik nunap sannaanut tunngasutigut siunnersuisarpoq aammalu nunap sannaanut suliniutinik ingerlatsinerimut atatillugu ilisimatusarnermik ingerlatsisarluni, assersuutigalugu aatsitassanut nunap assiliorneq, CCS aamma qaqqani sisoorfiusinnaasut, kisianni pitsaasumik tigussaasunik atortorissaarutit atugassaqqaratik. Immikkoortortaqqarfik ineriartorpoq, aammalu immikkoortortaqqarfiup suliassai, nunap sannaanut ilisimatuussutsikkut ilisimatusarfinnit nalinginnaasumik suliarineqartartunut, annertuumik assingupput. Immikkoortortaqqarfiup ilisimatusarnermut immikkoortortatut immikkoortutut allamut aaqqissuusaanikkullu inissinneqarnerani, Ujarassiornermut Immikkoortortaqqarfiup siunissami aatsitassarsiornermi suliffissuaqarnermut iluaqutaasumik, suliniutinut ilisimatusarnermullu attuumassutilinnik suliaqarnissamut periarfissaqarnerulernissaa, Naalackersuisut naatsorsuutigaat. Tamanna suliffissuarnik sullissinissamut tunngatillugu ineriartortitsinissamut periarfissaqarnerulertussaavoq, assersuutigalugu nunap sannaani ilisimatuussutsikkut qarasaasiatigut paasissutissaasivimmik ineriartortitsinerimut aammalu qillerummit qaqqitanut



toqqorsivimmik nutaamik pilersitsinermut atatillugu. Aammattaaq immikkoortortaarfik ilisimatusarnermut immikkoortortatut pissusiviusuni inissisimalissappat, ilisimatusarnermut aningaasassarsinnaanerup ajornannginnerulernissaa naatsorsuutigineqarpoq.

### **Suliniutissat aalajangersimasut**

- 2.13. Aatsitassanut ikummatissanullu allaffissornikkut aqutsisut (Naalakkersuisoqarfik aamma Aqutsisoqarfik) aaqqissuussaanerisa misissoqqissaarneqarnissaannik ingerlatsineq aamma aaqqissuussaanerup ilusiligaanerani nutaamik atuutsitsilersinnaaneq.

### **Najukkani inissisimatitsineq**

Aatsitassarsiorfimmik pilersitsisoqarnerani, najukkami inuiaqatigiinni pitsaasumik ineriartortitsinerup nukittorsarneqarnissaa siunertaralugu, aatsitassarsiorfiutileqatigiiffiup, kommunip aamma Naalakkersuisut akornanni suleqatigiinnissamut isumaqatigiissuteqartoqareertarpoq, IBA-mut isumaqatigiissutinik taagorneqartunik (Impact Benefit Agreement). Taamaattoq suliap ingerlasarnera pitsaanerpaamik ingerlasanngilaq, aammalu allaffissornikkut oqimaatsuulluni. Isumaqatigiissutit atugassarititaasunik pitsaassusilerneqarsinnaanngitsunik imaqarput, tamatumalu suliniutissat suut aalajangersimasut aallartinneqassanersut, ingerlatseqatigiiffinnut innuttaasunullu takujuminaatsittarpaa. Taamatuttaaq pilersuisorineqartunut, isumaqatigiissutit pillugit ingerlatseqatigiiffinniit sioqqutsisumik siunertanut nalunaaruteqartoqartinnagu, tunisassianut allattuiffimminnik annertusititsinissaq piffissatigut aningaasaqarnikkullu ajornakusoortarpoq.

Piffissami periusissiap atuuffissaani IBA-nut isumaqatigiissutini unammilligassat erseqqinnerusumik Naalakkersuisut misissussavaat, aammalu kommunit aamma aatsitassarsiornermi suliffissuit najoqqutassamut tunuliaqutaasut, peqatigalugit nalilersoqqissallutigu. Siunnerfigaarput IBA-nut isumaqatigiissutinik pisariitsunik paasiuminartunillu pilersitsinissaq, atugassarititaasut tamarmik piukkunneqalersinnaallutik, peqatigisaanillu Inuiaqatigiinni Piujaannartitsisumik Ingerlatsinermik Nalilersuineq (VSB) tunaartarineqarluni. Nunatta nunaminertaa amerlanertigut suliffissuarnit arlalinnik ornigineqartarpoq, tamannalu soqutigisaaq akornanni qalleraatsitsilersinnaavoq. Naalakkersuisoqarfiit akimorlugit qaninnerusumik suleqatigiinnissaq, aammalu nunaminertanit atuinnermut nunap assiliornissaq, Naalakkersuisut sulissutigaa. Assersuutigalugu ataatsimoorluni naapittarfissamik pilersitsinissaq sulissutigineqarpoq, tassani Naalakkersuisoqarfiit akimorlugit akuersissutit tamarmik takuneqarsinnaassallutik. Suliffissuit akornanni sunneeqatigiissitsisinnaanerit erseqqinnerusumik paasinarsisinneqassapput.

### **Suliniutissat aalajangersimasut**

- 2.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujuartitsisumik ingerlatsinissap nukittorsarnissaa.
- 2.15. Pisortat suliaasaqarfiisa, aatsitassarsiornermik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqqutissiuussisarneq.

- 2.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqutissiuussineq.



### Ukkatarineqartussaq 3: Aatsitassat pisariaqartinneqarlutik pingaarutillit

Nunarsuarmi silap pissusaanut anguniakkat piviusunngortinnissaannut sapinngisamik annertunerpaamik taperseeqataanissaq Naalakkersuisut akisussaaffigaat. Taamaattumik tunngaviusumik ilisimatusarneq pisortanit aningaasalersorneqartoq, suliassa qarfinnut aatsitassanut pisariaqartinneqarlutik pingaarutilinnut periarfissa qarfiusunut imaluunniit ilisimatusarnermut allatut mingutsitsinngitsumut allanngoriartortitsinermut tapertaasussanut, annertunerusumik sammitinneqalerpoq. Taamatut tunngavigisanik allanngortitsilluinnarneq piffissami periusissiap siuliani atuuffiani ingerlanneqareerpoq, assersuutigalugu Nunani avannarlerni aatsitassanik pinngitsoorneqarsinnaanatik pingaaruteqartunut periarfissa qarfinnik paasiniaaneq pillugu nunanik nunani avannarlerniittunik Naalakkersuisut suleqateqarnerisigut, Kalaallit Nunaanni aatsitassanut pinngitsoorneqarsinnaanatik pingaaruteqartunut attuumassutillit suliniutit pillugit USA-mik suleqateqarnerisigut, aammalu pijuartussamik aningaasarsiorfissat pillugit EU-mik suleqateqarnerisigut kiisalu CO<sub>2</sub>-nik unerartitsineq toqqorsivimmititsinerlu.

#### Siunnerfik

- Iliuseqarnissamut pijuartitsiviusumillu ineriartortitsinissamut suleqateqarnigut nukittuujupput.

### Aatsitassat pisariaqartinneqarlutik pingaarutillit

Aatsitassanut niuerfik nunani tamalaani, politikikkut ukkatarineqariartuinnarpoq. Nunat suliffissua qarfiusut arlallit aatsitassanut aningaasarsiorfiit – taamaalillutillu ikkussugassanik sanaartornerit pilersuinerillu aammalu tunisassiat naammassineqartut - nakkutigineqarnerannut ernumassuteqarput. Aatsitassanik, ikkussugassatut sanaanik naammassillugillu tunisassianik pilersuineq nunat aningaasaqarnerannut, teknologiikkut ineriartornermut aammalu periusissatigut anguniagaannut, soorlu mingutsitsinngitsumut allanngoriartortitsinerup angunissaanut, pingaaruteqarpoq.

Mingutsitsinngitsumut allanngoriartortitsinermut teknologiinik sanaartornissamut, teknologiinik ikummatissiassanik aallaaveqartunit allaanerusunik, taakkua taartissaannik aatsitassanik amerlanerusunik pisariaqartitsisoqarpoq, assersuutigalugu kanngussaata, koboltit, aamma aatsitassat qaqutigoortut saffiugassartai.

Aatsitassat pisariaqartinneqarlutik pingaarutillit aamma isumannaallisaanermut politikkimut pingaaruteqarput. Pilersuinerup isumannaatsuuneranut navianartorsiortitsisoqarnera, nunat aningaasaqarnerannut illersornissamullu suliffissuaqarnerannut pingaaruteqarsinnaavoq. Aatsitassat pisariaqartinneqarlutik pingaarutillit aamma EU-mi nukissiap ataavartup annertusarneqarneranut pingaaruteqarput, nunanit EU-p avataaniittunit ikummatissiassanik EU-mi eqqussuineramik pinngitsuuisinnaannginnermik annikillisisitsussaallutik, <sup>i</sup> aammalu 2050-mi silap pissusaanut sunniinnginnissap angunissaanut Europamik anguniakkamut iluaqutaasussaallutik. Aatsitassat pisariaqartinneqarlutik pingaarutillit nunani tamalaani ukkatarineqaraluttuinnarnerat Naalakkersuisut aatsitassanut suliassa qarfimmi nunani tamalaani suleqateqarnerannut aallaaviuvoq. Kalaallit nunaanni peqarfiit arlaqarput, aatsitassanik pisariaqartinneqarlutik pingaarutilinnik akoqartut, aningaasaliisartullu immikkut soqutiginaritaat.

2019-imi Naalakkersuisut USA-mut isumaqatigiisummut tunngaviusussamik isumaqatigiissuteqarput, aammalu aatsitassanut suliassaqrarfiup ineriartortinneqarnissaa pillugu ukiuni arlalinni USA suleqatigisimallugu. Suleqatigiinnermi ilaatigut nunap sannaanut paasissutissat nalunaarsukkat, nittarsaassisarneq aammalu killissaliussanut piumasaqaatinik aalajangersaanissaq ukkataralugit suliniutit ilaatinneqarsimapput.

2023-mi Naalakkersuisut aatsitassanut aningaasarsiorfiit piujuartitsiviusut ineriartortinneqarnissaa pillugu EU-mut periusissatigut suleqateqalerput. Naalakkersuisut aamma EU-p tamatuma kingorna suliniutitut arlalinnut ingerlanissaannut pilersaarut aallartippaat. Suliniutit ilaatigut suliaqartuusut ataatsimoortilernerisigut aammalu Kalaallit Nunaanni aatsitassat pisariaqartinneqarlutik pingaarutillit aammalu piujuartitsinerup ukkatarineqarnera pillugit paasissutissiisarnikkut, EU-miit aningaasaliinernut tunngavissaliissapput.

2024-mi Kalaallit Nunaat *Mineral Security Partnership (MSP) Forum-imi*, nunat aatsitassanik avammut nioqquteqartartut eqquussisartullu akornanni arlaliullutik suleqatigiiffianni, ilaasortanngorpoq. Ilaatigut MSP Forum-imi, ilaatigut aningaasalersuutissarsinissamut ingerlatseqatigiiffinnut ikiuussinnaasumi, aatsitassarsiorfissat pilersaarutiginerannut, suleqatigiinneq Naalakkersuisut atorniarpaat.


Teknologiit aatsitassanik pisariaqartitsiviusut aammalu nunarsuarmi unammeqatigiinnerup kingunerisaannik, aatsitassat pisariaqartinneqarlutik pingaarutillit pillugit nunani tamalaani suleqatigiinneq piffissami periusissiap atuuffissaani oqimaassuseqarnerulernissaa naatsorsuutigineqarpoq. Aatsitassat pisariaqartinneqarlutik pingaarutillit iluanni teknologiikkut ineriartorneq nutaaliornelut Naalakkersuisut ukkatarinerulerusuppaat, aammalu piujuartitsiviusumik ineriartortitsinerumut nunarsuarmi suleqateqarneq nukittorsarneqassaaq.

Nunap iluata, aatsitassat pisariaqartinneqarlutik pingaarutillit ilanngullutit, nunap assiliorneqarnerani De Nationale Geologiske Undersøgelser for Danmark og Grønland (GEUS) qanimut suleqatigineqassaaq, aammalu piffissami periusissiap atuuffissaani ilaatigut nunap assiliornissamut periarfissaqarfiusut annertuunerusumik ukkatarineqassapput.

### **Suliniutissat aalajangersimasut**

- 3.1. Aningaasarsiorfiit piujuartussat pillugit EU-periusissatut suleqatigineqarnerata atuutsinneqalernissaa.
- 3.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa.
- 3.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikikkut pissutsinit aqunneqarsinnaapput.
- 3.4. MSP Forum-ip Kalaallit Nunaat pillugu paasissutissiinnermut suliassanullu aningaasalersuinerup tunngavissinnissaanut atorneqarnissaa.





Ilusiliaq 7: Kalaallit Nunaanni aatsitassanik pisariaqartinneqarlutik pingaarutilinnik peqarfinnut nunap assinga (MiMa Rapport 2023/1).



## Ukkatarineqartussaq 4: Nunap assiliorneq aamma nunap sannaanut paasissutissat nalunaarsukkat

Paasissutissanik nalunaarsukkanik aatsitassarsiorluni misissuinerup naleqquttunik akeqanngitsumik Naalakkersuisut atugassiinerisigut, ingerlatseqatigiiffiit aatsitassarsiorluni misissuinerup suliaqartut aningaasaliinerup annaasaqarsinnaanerup annikillisinneqassaaq. Paasissutissat nalunaarsukkat pigineqareersut pitsaassusaat qulakkiissavarput aammalu nutaamik periaaseqarluta pissarsiarineqarsinnaalersissallutigu, aammalu ilisimatusarnerup suliniutit pisortanit aningaasalersorneqartut aqqutigalugit paasissutissanik nalunaarsukkanik nutaanik katersissaagut. Tamanna ingerlaavartumik ingerlasussaavoq, piffissani periusissiaqarfiusuni arlalinni ingerlasimalluni, aammalu sulit Kalaallit Nunaata suliffissuarnut nunatut aningaasaliivissatut orniginartuusinnaanissamut pisariaqarluni. Suliniutit aatsitassarsiornerup suliffissuarnut ilisimasanik pissarsititsiinnassanngillat, kisianni aamma ilisimatusartorpassuarnut Kalaallit Nunaanni suliaqartunut sullissinerussalluni.

Nunap sannaanut paasissutissat nalunaarsukkat nunap sannaanut ilisimatuussutsip iluani imminnut attuumassutilinni assigiinngitsorpassuarni aallaaveqarput, assersuutigalugu geofysik, geokemi, aatsitassalerineq, sedimentologi aamma remote sensing. Nunarsuarmi periaatsit nutaat aatsitassarsiornerup suliffissuaqarnerup ilaqaataasussat ingerlaavartumik ineriartortinneqarput. Tassani nunami namminerup nunanilu tamalaani ilisimatusarnerup suleqatigiilluarnarup allanngutsaaliornissaa pingaaruteqarpoq.

### Siunnerfiit

- Paasissutissanut nalunaarsukkanut tunngavissat, aatsitassarsiorluni misissuinerup aamma aatsitassanut tunngasunik suliaqarnerup aningaasaliinissamut orniginartunngortitseqaataasussat, pitsanngorsarneqassapput.
- Pinngortitami ajunaarnersuaqarnissaanik pitsaaliuinerup nukittorsarnissaa, qaqqat sisoortarnerannut suliaasaqarfik immikkut sammillugu.

## Nunap assiliorneq

Kalaallit Nunaanni nunami nunaminertat nunap assiliorneqarsimanngillat. Nunap assiliorneq aatsitassarsiorluni misissuinerup tamarmut tunngaviuvoq, aammalu ingerlatseqatigiiffinnut aatsitassarsiorluni misissuinerup suliaqartunut annikitsumillu aatsitassarsiornerup pisinnaatitsissutit pigisaqartunut iluaqutaalluni. Peqatigisaanik nunap assiliorneq qaqqat sisoorfigisinnaasaannut pitsaannerusumik paasisimasaqalersitsisussaavoq. Nunarput qanoq pilersimanersoq, aammalu ujaqqat aatsitassallu suut nassaassaanersut, nunap assiliorneq paasisimasaqalersitsissaaq. Nunap assiliornerup suliniutit assigiinngitsunik suussusillit ingerlanneqarput, assersuutigalugu sumiiffimmi aatsitassaqarsinnaanerup nunap assiliorneq, imaluunniit nunap sannaanut nunap assiginik suliaqarneq. Aatsitassaqarsinnaanerup nalunaarusiat aatsitassanut suliaasaqarfiup nittarsaanneqarnerup pingaaruteqartut ilaatinneqarput, aammalu ilisimatuussutsikkut suliniutinut aatsitassarsiornerup suliffissuaqarnerup tapertaasussanut assersuutissaalluurtutik. Nunap assiliornerup aamma aatsitassat suliffissuaqarnerup atornerqartut, sioqqanik milluaaneq aamma sermip qajuusaasanngortitai pineqartunut ilaatinneqarsinnaapput. Sermip qajuusaasanngortitai nunanut ineriartortinneqartunut

aatsitassatut piujuartussatut avammut nioqqutigineqarsinnaanerit periarfissaqarpoq, aammalu tunisassiaq nutaaq taanna sulii ineriartortinneqarpoq.

Ilisimatuussutsikkut suliniutit aatsitassanut suliaassarfinnut attuumassutillit kiisalu 1:100.000 angissuseritillugu nunap sannaanut nunap assiliorneq Naalakkersuisut sulii pingaartippaat. Kalaallit Nunaata nunami nunaminertaata sermeqanngitsup affangajaa 1:100.000 angissuseritillugu nunap assiliorneqareerpoq. Kalaallit Nunaata sinnerata nunap assiliorneq 600 millioner koruunit missaannik akeqassasoq aammalu ukiut 50-it missaannik sivissuseqassasoq, missingersorneqarpoq. Sumiiffiit attaveqaasersuutit qanitaanniittut imaluunniit aatsitassaarsinnaanerit ilimanaateqartorujussuatut nalilerneqartut nunap assiliorneqarnissaat piffissami periusissiap atuuffissaani pingaartinneqarpoq. Tunup Avannaarsuata nunap assiliornera ingerlaqqippoo, aammalu nunap sannaani avatangiisit, ilaatigut aatsitassanik pisariaqartinneqarlutik pingaarutilinnik nassaarnissamut ilimanaatillit, tamaaniipput. Aammattaaq Kalaallit Nunaata kujataani, aatsitassanik qaqutigootunik peqarfiusinnaasut annertunersaasa inissisimaffigisaanni, nunap assingi ataasiakkaat nutarterneqarnerisa aallartinnissaa pilersaarusiorneqarpoq.

#### **Suliniutissat aalajangersimasut**

- 4.1. Nunap sannaanut 1:100.000 angissuseritillugu nunap assiliornerup ingerlatiinnarnissaa.
- 4.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsisussanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliinermi annaasaarsinnaanerannut annikillisitseqataanissaa.

#### **Nunap sannaanut nunap assingi**

Nunap sannaanut nunap assinginik suliaqarneq suliaassaavoq annertoorujussuaq: Siullermik allaffimmi misissuineq ingerlanneqartussaavoq, tassani paasissutissat nalunaarsukkat pigineqartut, assersuutigalugu aatsitassanik misissuinermit paasissutissat nalunaarsukkat aamma nunap portussusaannut nunap assingi, katersorneqartarlutik. Tulliullugu asimut ornigulluni misissuiartornissaaq pilersaarusiorneqartarpoq, tassani ilisimatuut tamarmik immikkut suliaassarfinni paasisimasallit peqataasarlutik. Asimi paasissutissat nalunaarsukkat assigiinngitsut katersorneqartarput, soorlu misissugassat tigussaasut, timmisartumit assilisat annertuumik ersarissusillit aamma ujaqqanut nassuiaanerit. Suliaqarneq annertoorujussuaq tamatuma kingorna asimi suliaqarnermiittarpoq, tassani misissugassat aamma paasissutissat nalunaarsukkat misissoqqissaarneqartarlutik, paasinninneq nassuiarneqartarluni aammalu nassuiaasiorneqartarlutik. Taamaaliornermi sumiiffimmi nunap sannaa qanoq ataqatigiinnersooq, aammalu nunap assinga qanoq titartarneqarsinnaanersoq, digitalinngortinneqarsinnaanersoq aammalu naqiterneqannginnerani pitsaassusaa qulakkeerneqarsinnaanersoq paasisimaarineqalertarluni.

## Geofysik aamma Remote Sensing

Paasissutissat nalunaarsukkat suussusaat, amerlanertigut aatsitassarsiornermik suliaqartunit ujjartorneqartartut, tassaapput geofysiskinut aamma Remote Sensing-inut paasissutissat nalunaarsukkat. Uttortaanerit timmisartumit imaluunniit qaammataasiamit ingerlanneqartut (Remote Sensing) ingerlatseqatigiiffinnut aatsitassarsiorluni misissuineramik suliaqartunut pingaaruteqarput, kisianni Kalaallit Nunaanni sumiiffiit ikittuinnaat peqarfigineqarput. Geofysiskinut paasissutissanik nalunaarsukkanik peqarfiusut aamma nunanut allanut sanilliullugit annikippat. Pingaartumik Kalaallit Nunaata Avannaanut, Tunup Avannaarsuanut aamma Tunumut geofysiskinik paasissutissanik nalunaarsukkat ikittuaraannaat atugassiissutigineqarsinnaapput.

Missingersorneqarpoq Kalaallit Nunaat tamakkerlugu nunap immikkoortuini geofysiskinut nunap assiliornissaq minnerpaamik ukiuni 10-ni sivilissuseqassasoq aammalu 500 millioner koruunit missaannik akeqassasoq. Paasissutissat nalunaarsukkat qanoq aammalu sorliit katersorneqarnissaasa paasiniarnissaa, kiisalu nunap assiliornierup tulleriinnilersorlugu pingaarnersiorneqarnissaa siunertaralugit, nunap assiliornissamut piareersaataasumik misissuataarinissamut Naalakkersuisut EU-miit aningaasaliiffigineqarput. Pingaarnersiuinerimi sumiiffiit annertuumik aatsitassaqaarsinnaanerit periarfissaqartut, ingerlasussanik piareersaanermi killilimmik unammilligassaqaarfiusut aammalu paasissutissat nalunaarsukkat geofysiskiusut sumiiffimmi ilisimasanut tunngavissanik malunnaatilimmik pitsanngorsaasussatut naatsorsuutigineqartut, aallaavigineqassapput. Peqatigisaanik nunap immikkoortuini geofysiskinik misissuinermik nutaanik aallartitsinissamut kiisalu qaammataasiatigut paasissutissanik nalunaarsukkanik pisinissamut aningaasassarsiorinissamut imaluunniit suleqateqalernissamut periarfissat Naalakkersuisut misissorpaat.

### Suliniutissat aalajangersimasut

- 4.3. Geofysiskinut paasissutissat nalunaarsukkat suussusaannik, katersorneqartussanik suussusersiinissamut kiisalu nunap assiliornierup tulleriinnilersorneqarnissaanik pingaarnersiuinissamut piareersaataasumik misissuataarinierup ingerlanneqarnera.
- 4.4. Nunap immikkoortuini geofysiskinik misissuininissanut qaammataasatigullu paasissutissanut nalunaarsukkanut aningaasalersuinissamut periarfissanik qulaajaaneq.



*Ilusiliaq 8: Ujarassiuut qaqqat sisoortarnerinik pisoqarfiusuni nakkutiginninnermut dronit atorpaat, uani 2024-mi Uummannap eqqaani. (Assiliisoq: Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik).*

## Qaqqat sisoortarnerat alapernaarsuinerlu

Ukiuni kingullerni Kalaallit Nunaanni pinngortitami ajunaarnersuaqarnerit akulikinnerusumik misigineqartarput. Taakkua amerlanertigut pisunut, soorlu assersuutigalugu qaqqap sisoornera, tamatumalu malitsigisaanik tassaarsuaqarnera, tunngassuteqartarput. Naalakkersuisut taamatut ittunik pinngortitami ajunaarnersuaqarsinnaanera akiorniarlugu suliniuteqarnertik ingerlatiinnarpaat. Ajunaarnersuaqarnerusinnaasunut sunnertianerup sunnerneqarnerullu annikillisinneratigut aammalu ataavartumik sumiiffiit qaqqat sisoorfigisartagaasa alapernaarsorneqarnerisigut taamaaliorsinnaavugut, tamatuma kingorna qaqqaq sisoorluni pisoqarsinnaanerata ilimanaateqarnera annertussusissaalu nalilersorneqartarlutik.

Piffissami periusissiap atuuffissaani sumiiffinnik qaqqap sisoornissaanik aarlerinaateqartuni alapernaarsuineramik suliaqarneq ingerlaannassaaq. Aamma sumiiffiit qaqqani sisoorfiusinnaasut nutaat nunap assiliorneqassapput. Misissueqqaarnerit suliarineqarnerisa ingerlatiinnarnissaat aammalu qaqqat qajannartortaasa alapernaarsorneqarnissaat pingaaruteqarpoq, pissutigalugu taakkua innuttaasunut aarlerinartorsiortitsisinnaammata. Qaqqat sisoortarneri aammalu ataatsimut isigalugu pinngortitami ajunaarnersuaqarnerit pissusissamisoortumik annertuumik eqqumaffigineqarput. Taamaattumik sumiiffinni qaqqani sisoorfiusartuni killiffik pillugu ingerlaavartumik paasissutissiisarnerup ingerlatiinnarnissaa pingaaruteqarpoq. Aatsitassanut allaffeqarfiup ilisimatusarnermik suliaqarneq tunngavigalugu qaqqat sisoornissaannut aarlerinaataasut nalilersortarpai. Taakkununga ilaatigut nunap sannaanut ilisimatuussutsikkut paasissutissat nalunaarsukkat, sumiiffinni qaqqat sisoorfigisartagaannit uuttortaanernit

saqqummertut, aallaavigineqarput. Tamanna upalungaarsimanikkut nalilersuinernut, Upalungaarsimanermut Ataatsimiititaliarsuup pinngortitami ajunaarnersuaqarnernut, aarlerinaataasunik aqutsinermut, isumannaallisaanikkut ilimasaarinernut pisariaqarpallu qimarngussinissanut tunngatillugu ingerlattagaannut, aamma tunngavigineqarpoq.

***Kalaallit Nunaanni Upalungaarsimanermut  
Ataatsimiititaliarsuaq***

Kalaallit Nunaanni upalungaarsimaneq pillugu apeqqutini Naalakkersuisunut siunnersuinissaq kiisalu pisuni ajornartoorfiusuni paasissutissanut tunngavissanik tamakkiisunik pissarsititsinissaq aammalu oqartussat akuusut ingerlataasa periusissatigut ataatsimoortitsinissaq, siunertaralugit Kalaallit Nunaanni Upalungaarsimanermut Ataatsimiititaliarsuaq pilersinneqarpoq.

Kalaallit Nunaanni Upalungaarsimanermut Ataatsimiititaliarsuaq 7-inik aalajangersimasunik ilaasortaqrpoq aammalu aalajangeeqataasinnaanatik ataatsimeeqataasartut, kalaallit danskillu oqartussaasuinit aallartitat pingasut ilaasortaallutik.

Kalaallit Nunaat aamma Schweiz qaqqat qajannartortaqrarannik, sumiiffinni aalajangersimasuni innuttaasunut navianartorsiortitsinnaasunik, unammilligassaqraneq assigiissutigaa. Pingaartumik nuna qeriuannartoq aakkiartuaalermat qaqqanillu qajannarnerulersitsilluni, nunarsuup kissatsikkiartornera unammilligassaqrartitsivoq. Taamaattumik aatsitassanut allaffeqarfiup 2022-mi et schweizimiut qaqqat sisoortarnerannut immikkut ilisimasallit suleqatigilerpai. Ukkatarineqrpoq qaqqani nutaanik sisoortoqrarnerani sakkortoorujussuarnik pisoqrarnissaanik pitsaaliuinissaq. 2017-imiilli tassaarsuaqalartarneranut pisuusaartitsinerit pillugit amerikamiut immikkut ilisimasallit allaffeqarfiup suleqatigai. Mallinut immikkut ilisimasallit nutaanik qaqqani sisoortoqassagaluarpat sumiiffinni inoqartuni mallit qarsutsinerisa portussusaannik paasiniaapput. Ilisimatusarnermi suleqatigiinneq taanna ataatsimoorluni suliaqarluni isumasioqatigiinnermi, tikeraarnermi pisinnaasanillu inerisaarnermi nukittorsarneqqaqqippoq, aammalu piffissami periusissiap atuuffissaani ingerlaannassalluni.

**Suliniutissat aalajangersimasut**

- 4.5. Ilisimatusarfinnik suleqateqrarnerup ingerlatiinnarnissaa, nutaanik suleqatigiinnissamut isumaqatigiissuteqraneq.
- 4.6. Qaqqani sisoorfiusartunik qajannartortalinnik nakkutigininnerup ingerlatiinnarnissaa.
- 4.7. Qaqqat sisoortarnerannut nunap assiliornissamut pisussanut pilersaarummik atuutsitsilernissaq.
- 4.8. Pinngortitami ajunaarnersuaqartarnermut suliassaqrarfinni innuttaasunik paasissutissiisarnerup annertusarneqrarnerata ingerlatiinnarnissaa, ilanngullugu nunap assinginek qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaarnersuaqartarnerit pillugit paasititsiniaanerup ingerlanneqrarnissaa.

- 4.9. Qaqqat sisoonissaasa aarlerinaateqarnerannik ujarassiornikkut nalilersuinissamut periusissiamik suliaqarnissaq.

## Paasissutissanik nalunaarsukkanik pilersitsinissaq avitseqatigiittarnissarlu

Nunap assiliorneq paasissutissatigut nalunaarsukkatigut oqimaatsuvoq, taamaattumillu paasissutissat nalunaarsukkat ataatsimoortukkaat annertuut aalajaannerusumik uninngasuutiginnissaannut periarfissaqalernissaq sulissutigineqarpoq. Paasissutissat nalunaarsukkat ataatsimoortukkaat najukkaneersunit aammalu nunani tamalaani soqutiginnittunit suliaqartuniillu pissarsiarineqarsinnaassapput. Nunap sannaanut ilisimatuussutsikkut paasissutissat nalunaarsukkat pissarsiariuminarnersinnissaannut suliniuteqarneq Naalakkersuisut ingerlatiinnassavaat. Piffissami periusissiap atuuffissaani pitsaassusaannik qulakkeerinissaq aammalu oqaluttuarisaanermi, nunap sannaanut paasissutissat nalunaarsukkat annertunerusut tamanut saqqummiunneqarnissaat, sulissutigineqassapput.

Assersuutigalugu ujaqqanut pinnersaasiassanut suliassa qarfiup iluani, annikitsumik aatsitassarsiornissamut pisinnaatitsissummik pigisaqartunut allanullu soqutiginnittunut sammititamik, aatsitassarsiornissamut pilersaarusiornermut ilitsersuut suliarineqaleruttorpoq. Aatsitassarsiornissamut pilersaarusiornermut ilitsersuutip ilaa siulleq Kalaallit Nunaata avannaanut tunngassuteqarpoq. Ilitsersuut, suliaqarnerup naammassisarnera ilutigalugu, ingerlaavartumik saqqummersinneqartassaaq. Peqatigisaanik ujaqqanut pinnersaasiassanut qarasaasiatigut paasissutissaasivik annertusarneqassaaq aammalu ujaqqanut pinnersaasiassanut suliassa qarfimmi paasissutissat nalunaarsukkat nutaat pilersinnissaat tamanullu saqqummiunneqarnissaat suli ukkatarineqarpoq.

Peqatigisaanik paasissutissat nalunaarsukkat nutaat aammalu aatsitassarsiorluni misissuineranut naleqquttut suli pilersinneqartassapput. Paasissutissat nalunaarsukkat taakkua pissarsiariuminartuussapput digitalinngortinneqassallutillu. Taamaattumik piffissami periusissiap atuuffissaani GEUS suleqatigalugu Kalaallit Nunaannut iserfissiaq [Greenmin.gl](http://Greenmin.gl) annertusitinnissaa pitsaanerulernissaalu ingerlatiinnarneqassaaq.

### Suliniutissat aalajangersimasut

- 4.10. Nunap sannaanut ilisimatuussutsikkut paasissutissat nalunaarsukkat nittartakkatigut pissarsiariuminarnersinnissaat.
- 4.11. Kalaallit Nunaata avannaani ujaqqanik pinnersaasiassanik ujarlernerumut ilitsersuutip suliarineqarnera tamanullu saqqummiunneqarnera.





Ilusiliaq 9: Basalti qaqqat anitsisartuneersaq pissusissamisoortumik karbonat-inik nakkaalanertaqartoq. Kuannini katersorneqartoq, Qeqertarsuaq 2024. (Assiliisoq: Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfik).



## CO<sub>2</sub>-nik unerartitsineq toqqorsivimmiititsinerlu (CCS)

Nunap iluani CO<sub>2</sub>-nik unerartitsinermut toqqorsivimmiititsinermullu CCS-inut teknologii tassaavoq teknologii silaannarsuarmi CO<sub>2</sub>-t annikillisinnissaannut iluaqutaasusaaq. CO<sub>2</sub>-nik unerartitsinissamut toqqorsivimmiititsinissamullu Kalaallit Nunaata periusissiaa Naalakkersuisut 2023-mi akuerat, taassumalu atuutinneqalernissaa piffissami periusissiap atuuffissaani ingerlaannassaaq.

### Suliniutissat aalajangersimasut

- 4.12. CO<sub>2</sub>-nik unerartitsisarnermut toqqorsivimmiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa .

#### **Aatsitassanut qarasaasiatigut paasissutissaasivik**

[www.greenmin.gl](http://www.greenmin.gl) aatsitassanut  
qarasaasiatigut paasissutissaasivimmut GEUS  
aamma Namminersorlutik Oqartussat  
akornanni suleqatigiinnikkut  
ingerlanneqartumut, annertuumut  
inissisimaffiuvoq.


## Qillerummit qaqitanut toqqorsivik

Kalaallit Nunaat siusinnerusukkut peqarfinnit misissorneqartunit qillerummit qaqitanik asseqanngitsunik katersugaateqarpoq, qillerummit qaqitat 150.000 meterinit annertunerusut tassaniillutik. Qillerummit qaqitat ingerlatseqatigiiffinnut, taakkua sumiiffimmi misissuisussanngorneranni, annertoorujussuarmik naleqarput, tassami qillerinerit ingerlannissaat akisoorujussuummata. Missingersorneqarpoq qillerummit qaqitat pioreersut qillerummit qaqitanut toqqorsivimmiittut ataatsimut katillugu 225 millioner koruuninit annertunerusumik naleqartut. Maannakkut qillerummit qaqitanut toqqorsiviusoq ulikkaarpoq, aammalu atoruminartuunani. Assersuutigalugu ukioq tamaat maannakkut toqqorsivimmi atortorissaarutit tikinneqarsinnaanngillat. Toqqorsivimmik nutaamik, siunissami atuisut pisariaqartitaannik ilaqartinneqarsinnaasumik, nukinginnartumik pisariaqartitsisoqarpoq. Naalakkersuisut qillerummit qaqitanut toqqorsivimmut nutaamut, piffissami periusissiap atuuffissaani pilersinneqartussamut, avataaniit aningaasassarsisimapput.

Qillerummit qaqitanut paasissutissaasivimmi pioreersumi nunap sannaanut paasissutissat nalunaarsukkat, soorlu qillerummit qaqitanut allattukkat nassuiaanerillu, ilanngutsinneqarsinnaanngillat. Qillerummit qaqitanut paasissutissaasivik nutaaq, toqqorsivimmi aqutsinermik kiisalu nunap sannaanut paasissutissanut nalunaarsukkanik passussiviusinnaasoq, pisariaqartinneqarpoq. Qillerummit qaqitat tamarmik periaatsimi nalunaarsorneqartussaapput, aammalu qillerummit qaqitat nalunaarsorneqarsimanngitsut, ikkussorlugit pitsaassusaallu qulakkeerlugu suliaqarneq pisussaavoq. Qillerummit qaqitanut paasissutissaasivik nutaaq tamanit tikikkuminartuutitsinissamik pitsanngorsaaqataasussaavoq, taamaalilluni siunissami aatsitassanut suliffissuarnut allanullu soqutiginnittunut qillerummit qaqitanut paasissutissat nalunaarsukkat pissarsiariuminarnerulersinneqassallutik.

### Suliniutissat aalajangersimasut

- 4.13. Qillerummit qaqitanut paasissutissaasivimmik nutaamik pilersitsinissaq.
- 4.14. Qillerummit qaqitanut toqqorsivimmik nutaamik pilersitsinissaq.
- 4.15. Qillerummit qaqitanik, periaatsimi nalunaarsorneqarsimanngitsunik, nalunaarsuinerup aallartinnissaa.



## Naggasiineq

Aatsitassanut periusissiaq suliniutissanik aalajangersimasunik, aatsitassarsiornermik suliaqartunut ineriartornissamut periarfissanik nukittorsaasussanik saqqummiivuvoq.

Aatsitassarsiorfimmik ingerlatsineq nunarput tamakkiisuutillugu, pingaartumillu innuttaasunut, ineriartortitsinissamut pissusiviusuni periarfissaavoq – iliniartitaanermiit eqeersimaartumik pissarsiaqarfiulluartumillu sulilernissamut. Nunarput angisoorujussuuvog, tamannalu nukittuffiuvog aammalu unammilligassaalluni. Nukittuffiuvog pissutigalugu nunap sannaani periarfissaqarfiit naammattumik inissaqarmata aammalu suli misissuiffigineqarsimanatik. Unammilligassaavoq pissutigalugu attaveqaasersuutitigut unammilligassat malittaammata.

Aatsitassanut periusissiami matumani, suliffissuaqarnermik ingerlalluartumik piujuartussamillu pilersitsinissamut pisariaqartitsinerit piumasaqaatillu naammassineqartussat Naalakkersuisut attaveqaqatigiissutigaat. Neriutigaarput aatsitassanut suliassaqarfiup ineriartortinnissaanut siunnerfiit pillugit innuttaasut suliffissuillu oqaloqatiginerat ingerlaannassasoq, nunarput tamakkerlugu iluaqutaasumik periarfissaqarnerulerluni piujuartitsiviusumillu pissarsiaqarfiulluni.

## Ilanngussaq 1: Aatsitassanut periusissiaq aamma Naalagaaffiit Peqatigiit nunarsuarmi anguniagaat

Tulliuttuni Aatsitassanut periusissiaq, naatsunngorlugu qulequttani pingaarnerni sisamani kiisalu Naalagaaffiit Peqatigiit Nunarsuarmi anguniagaanni, Aatsitassanut periusissiamut tunngassuteqartuni saqqummiunneqarput. Peqatigisaanik tikkuussisut aammalu sunniutissat ataasiakkaat, periusissiap atuuffissaani anguneqartussatut sulissutigineqartut, oqaasertalersorneqarput. Naalagaaffiit Peqatigiit Nunarsuarmi anguniagaasa ataatsimoortinneqarneranni Aatsitassanut periusissiami – Kalaallit Nunaannut nunarsuarmilu inuiaqatigiinnut iluaqutaasumik - anguniakkat killissaasa iluanni ataasiakkaatigut qanoq akisussaaffimmik tiguisoqarnersoq erseqqissarneqarpoq.

### Ukkatarinniffik 1: Piujuartitsineq aamma inuiaqatigiit



**Naalagaaffiit Peqatigiit anguniagaasa ilaat 4.4 Inuit imminut pilersorsinnaasut amerlisinneqarlik**  
2030 sioqqullugu inuusuttut inersimasullu naleqquttunik pikkorissuseqartut, ilanngullugit teknikkinut inuussutissarsiornermullu sammisunik pikkorissuseqartut suliffeqarnissamullu piginnaasaqartut, suliffissat pitsaasut aallarnisaanerillu, annertuumik amerlisinneqassapput.

#### **Kalaallit Nunaanni Tikkuussisut**

1.i.1. 2030 sioqqullugu Kalaallit Nunaanni inuusuttut inersimasunni, aatsitassarsiornermik suliffissuaqarnerup iluani naleqquttunik pikkorissuseqartut, amerlanerulersimassapput.

#### **Kalaallit Nunaanni Suliniutissat**

1.2. Aatsitassanut suliassa qarfimmi paasissutissiisarnerup ukkatarineqarnera, ilanngullugit ilinniartitaanermut suliffissanullu periarfissat, aammalu aatsitassanut suliassa qarfik aamma aatsitassat inuiaqatigiinni aningaasarsiorfitsinerat pillugu innuttaasut oqaloqatiginerunissaat.



**Naalagaaffiit Peqatigiit anguniagaasa ilaat 5.1 Arnanik niviarsiaqqanillu immikkoortitsinerit tamarmik unitsillik**

Arnanik niviarsiaqqanillu tamanik immikkoortitsinerit tamarmik sumiluunniit unitsinneqassapput.

### **Kalaallit Nunaanni Tikkuussisut**

1.i.2. 2030 sioqqullugu aatsitassanut suliaasaqarfiup iluani naligiissitaanermut paasititsiniaaneq ingerlanneqassaaq.

### **Kalaallit Nunaanni Suliniutissat**

1.7. Aatsitassarsiornermi suliffissuaqarnermi ilinniartitaanermut sullivissanullu periarfissat pillugit paasititsiniaanerup inuusuttunut sammitinneqartup aallartinneqarnissaa.

1.8. Aatsitassarsiornermi suliffissuaqarnermi suaassutsinut misissueqqissaarnernik aamma suaassutsit agguarsimanerannut naatsorsueqqissaarnernik aallaaviusussanik suliaqarneq.

1.9. Suliffeqarnerup suaassutsinut agguarsimasup akiornissaa siunertaralugu aatsitassarsiornermi suliffissuaqarnermi sullivinnut naligiissitaanerup paasititsiniutiginerata ingerlanneqarnera.

1.10. Aatsitassarsiornermi suliffissuarnut naligiissitaanermut ilitersuutininik, ingerlatseqatigiiffiit ingerlatseqatigiiffiup suliaasaqarfiisa immikkoortuini tamaginni suaassutsinik tamaginnik akuliutsitsinerulersinnaanersut, erseqqissaasunik, suliaqarneq.



### **Naalagaaffiit Peqatigiit anguniagaasa ilaat 7.2 Nunarsuarmi nukissiuutit ataavartut agguarneqarnera annertusili**

2030 sioqqullugu nunarsuaq tamakkerlugu nukissiuutini akuleriinni nukissamik ataavartussamik atuineq malunnartumik annertusineqassaaq.

### **Kalaallit Nunaanni Tikkuussisut**

1.i.3. Aatsitassarsiornermik suliffissuaqarnermi ataavartumik nukissiorneq annertunerulersinneqassaaq.

### **Kalaallit Nunaanni Suliniutissat**

1.5. Suliniutinik, ataavartumik nukissiuutininik atuineri suliffissuarnut pitsaanerusunik atugassaqartitsilersinnaasunik, suliaqarneq aallartitsinerlu.

1.6. Ilisimatusarfinnik Issittup aamma ataavartumik nukissiornerup, assersuutigalugu erngup nukinganik seqernullu nukinganik, iluani misilittagalinnik suleqateqarnerulernissaaq.



### **Naalagaaffiit Peqatigiit anguniagaasa ilaat 12.6 Suliffeqarfiit pijuartitsisussamik iliuuseqarnissamut kajumissuseqalersinneqarlik**

Suliffissuit pijuartitsiviusumik sulinissaannut kajumissaassavagut. Tamatumani pingaartumik suliffeqarfissuit aamma nunani tamalaani suliffeqarfiit pineqarput. Peqatigisaanik suliffeqarfiit

ukiumoortumik nalunaarusiaminni piujuartitsinermut paasissutissanik ilanngussisarnissaannut kaammattorneqassapput.

#### **Kalaallit Nunaanni Tikkuussisut**

1.i.4. Aatsitassarsiorfiutileqatigiiffiit, piujuartitsineq pillugu nalunaarusianik tamanut saqqummiussisartut amerlassusaat.

#### **Kalaallit Nunaanni Suliniutissat**

1.4. Avatangiisini inooqatigiinnermilu tunngavissanut kiisalu suliffeqarfiit pissusilersortarnerannut tunngatillugu (ESG-nut suliasaqarfik) aatsitassarsiornermi suliffissuarnik oqaloqateqarneq.



#### **Naalagaaffiit Peqatigiit anguniagaasa ilaat 13.3 Silap pissusaata allanngoriartornerata pakkersimaarnissaanut ilisimasanik pisinnaasanillu inerisaasoqarli**

Nunarsuup kissatsikkiartornerata unikaallatsinnissaanut aammalu silap pissusaata allanngoriartorneranut naleqqussarnissatsinnut ilisimasat nalinginnaasut annertunerulersissavagut periarfissallu eqqumaffignerulissallugit. Tamanna ataasiakkaani aammalu sullissivinni pissaaq. Peqatigisaanik siusissukut ajoqusiinerit eqqoriarsinnaanissaannut killilersimaarnissaannullu pisinnaasagut annertunerulersissavagut.

#### **Kalaallit Nunaanni Tikkuussisut**

1.i.5. Aatsitassarsiornermi suliffissuaqarnerup mingutsitsinngitsumut allanngoriartortitsinermut iluaqutaanera paasisitsiniutigineqassaaq.

#### **Kalaallit Nunaanni Suliniutissat**

1.3. Paasititsiniaanikkut aatsitassarsiornermi suliffissuaqarnerup mingutsitsinngitsumut allanngoriartortinnissaanut iluaqutaanerisa erseqqissarneqarnissaa.



#### **Naalagaaffiit Peqatigiit anguniagaasa ilaat 16.6 Pisortani suliffeqarfiit sunniuteqarluartut, akisussaassusillit paasiuminartullu pilersinneqarlik**

Pisortani suliffeqarfiit inissisimaffinni tamaginni sunniuteqarluartumik, akisussaassusilimmik paasiuminartumillu ineriartortissavagut.

#### **Kalaallit Nunaanni Tikkuussisut**

1.i.6. Aatsitassanut oqartussaq innuttaasut inersimasortaasa akornanni annertuumik tatigineqarpoq.

#### **Kalaallit Nunaanni Suliniutissat**

1.1. Aatsitassarsiormi suliffissuaqarnermut isummertarnerit pillugit innuttaasuni misissuinernik minnerpaamik marlunnik ingerlatsinissaq.

1.11. Aatsitassanut suliaasaqarfirmut paasissutissiisarnermut nittarsaassisarnermullu periusissiamik nutaamik suliaqarneq atuutsitsilernerlu.

## Ukkatarinniffik 2: Aningaasaliinissamut killissaliussat kajungernartut



### **Naalagaaffiit Peqatigiit anguniagaasa ilaat 8. Aningaasaqarnikkut siuariartorneq pijuartussaq pilersinneqarli**

Nunami namminermi pissutsinut naapertuuttumik aningaasaqarnikkut siuariartorneq attatiinnassavarput, pingaartumillu nunani ineriartorfiunnginnerusuni minnerpaamik 7 procentinik ukiumoortumik aningaasaqarnikkut siuariartornissaq qulakkiissallutigu.

#### **Kalaallit Nunaanni Tikkuussisut**

2.i.1. Aatsitassarsiormi misissuinermut aningaasartuutaasartut annertusiartornerat.

#### **Kalaallit Nunaanni Suliniutissat**

2.1. Aatsitassanut nittarsaassivimmi Prospectors & Developers Association of Canada Convention (PDAC) nittarsaassisarnernup ingerlaannarnissaa, kiisalu ingerlatseqatigiiffinnut immikkuullarissunut toqqaannartumik nittarsaassisarneq.

2.2. Ilaatigut avammut nioqquteqarnermut eqqussuinemullu aningaaseriviit aqqutigalugit suliaasat aningaasalersornissaannut periarfissaqarnerit tunngavissinniarlugit nunanik ataasiakkaanik arlalinnillu suleqateqarnerup ingerlatiinnarnissaa.

2.3. Kalaallit Nunaanni akileraarutinut royalty-nullu ilusilianik ingerlaavartumik nalilersuisarnerit, nunanut allanut sanilliussilluni misissueqqissaarnerit ilanngullugit.

2.4. Inatsisit aningaasaliisarnernullu piumasaqaatit pillugit akuersissutilinnut ilisimatitsisarnerit annertusineqassapput.



### **Naalagaaffiit Peqatigiit anguniagaasa ilaat 8.3 Politikki sullivissanik pilersitsisussaq suliffeqarfinnillu siuarsaasussaq ingerlanneqarli**

Ineriartortitsineq naleqquttunik suliffissanik pilersitsiviusoq aammalu ingerlatassanik pilersitsiviusartunik, aallarnisaanernik, nutaaliorsinnaasunik nutaaliornernillu tapersiisussaq ukkataralugu, politikikkut aalajangiisarnertit siuarsassavagut. Aamma suliffeqarfeeqqaat, suliffeqarfiit mikisut, akunnattumillu angissusillit siuariartornissaat ileqqussanngortinnissaallu tapersersussavarput, ilanngullugu aningaaserivinnik ingerlatsisunut attaveqalersinnerisigut.



2.i.2. Aatsitassarsiornermik suliffissuaqarnermi suliffissaqartinneqartut, suaassutsinut agguarlugit, amerlanerulernerat.

### **Kalaallit Nunaanni Suliniutissat**

2.14. Atugassarititaasut tamarmik piukkunnartuusinnaallutik, peqatigisaanillu VSB najoqqutarineqarsinnaalluni, pisariitsunik paasiuminartunillu IBA-mut isumaqatigiissuteqarnissaq siunnerfigalugu, IBA-nut isumaqatigiissutit nalilersoqqinneqarneranni inuiaqatigiinni piujuartitsisumik ingerlatsinissap nukittorsarnissaa.



### **Naalagaaffiit Peqatigiit anguniagaasa ilaat 9.3 Suliffeqarfiit mikisut aningaasalersuinikkut sullissinernut periarfissaqarnerat annertusili**

Suliffeqarfiit mikisut aningaaserivinnik ingerlatsisunut attaveqalersissavagut, ilanngullugulu anigorneqarsinnaasumik akeqartitsilluni aningaasanik taarsigassarsiniarsinnaaneq. Tamatumani pingaartumik nunat ineriartorfiusut pineqarput. Suliffeqarfiit mikisut niuerfinni aningaasarsiorfinnilu pitsaanerusumik akuulersinneqassapput.

### **Kalaallit Nunaanni Tikkuussisut**

2.i.3. Aatsitassarsiornermi suliffissuit aamma aningaasaateqarfiit aningaasaliisartut ataatsimeeqatigiittarnerisa amerlanerulernerit.

### **Kalaallit Nunaanni Suliniutissat**

2.5. Aningaasaliinernut aningaasaateqarfiit aamma aatsitassarsiornermi suliffissuit akornanni ataatsimiittarnissanut ingerlaavartumik aqquissiuussisarneq.

2.6. Aatsitassat ataasiakkaat nassaarineqartut naleqarnerulersinnissaat siunertaralugu annikitsumik aatsitassarsiornermut suliassaqarfimmi pisinnaatitsissummik pigisaqartunut akuersissummik allagartaliisarnermut aaqquissuussinermik ineriartortitsineq.

2.7. Ataasiakkaatigut pisariaqartitsilernermit aammalu isumaqatigiissut taamaattoq aatsitassarsiornermi suliffissuaqarnermut tunngavissiisnaappat, siunnerfilimmik akileraartarnermut isumaqatigiissutit sulissutigineqarnerat.



### **Naalagaaffiit Peqatigiit anguniagaasa ilaat 16.5 Peqquserlunneq akiliillunilu peqquserlutsitsineq annikillisarneqarujussuarlik**


Peqquserluutit akiliillunilu peqquserlutsitsinerit suut tamaasa annikillisarujussuassavagut.

### **Kalaallit Nunaanni Tikkuussisut**

2.i.4. Inuit pisortani sulisumik minnerpaamik ataasiarlutik attaveqarsimasut aammalu pisortani sulisumut akiliillutik peqquserlutsitsinissamut akiliisimasut, imaluunniit qaammatit 12-it kingulliit iluanni pisortani sulisumik akiliillutik peqquserlutsitseqquneqarsimasut amerlassusaat.

### **Kalaallit Nunaanni Suliniutissat**

2.9. Naalakkersuisoqarfiup peqquserluttoqannginnissaanut politikkiata nutarterneqarnera.



### **Naalagaaffiit Peqatigiit anguniagaasa ilaat 16.6 Pisortani suliffeqarfiit sunniuteqarluartut, akisussaassusillit paasiuminartullu ineriartortinneqarlik**

Pisortani suliffeqarfiit inissisimaffinni tamaginni sunniuteqarluartumik, akisussaassusilimmik paasiuminartumillu ineriartortissavagut.

### **Kalaallit Nunaanni Tikkuussisut**

2.i.5. Qinnuteqaatinik suliarinninnermut piffissap atorineqartup sivikinnerunissaa.

### **Kalaallit Nunaanni Suliniutissat**

2.10. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqatigiinnerulernissaq ilanngullugu. Allaffissornermi sulianik ingerlatitsinerit digitalinngortinneqarnerusarnissaat, ilanngullugit qinnuteqaatinut sulianik ingerlatitsinerit, taakkua pillugit suliffissuarnik attaveqatigiinnerulernissaq ilanngullugu.

2.11. Suliassanik suliarinnittarnerup eqaannerulersinneqarnissaa siunertaralugu akuersissutitut suleriaatsinik, atugassarititaasunik nalinginnaasunik il.il nutarterineq.

2.12. Aatsitassanut ikummatissanullu Aqutsisoqarfiup piffissami asimi suliaqarfiusartumi Kalaallit Nunaata kujataani ornigulluni najuunneratigut misileraataasumik suliniummik ingerlatsineq.

2.13. Aatsitassanut ikummatissanullu allaffissornikkut aqutsisut (Naalakkersuisoqarfik aamma Aqutsisoqarfik) aaqqissuusaanerisa misissoqqissaarneqarnissaannik ingerlatsineq aamma aaqqissuusaanerup ilusiligaaneraniq nutaamik atuutsitsilersinnaaneq.



### **Naalagaaffiit Peqatigiit anguniagaasa ilaat 17.14 Piujuartussamik ineriartortitsinnermut politikkit ataqatigiinnerat nukittorsarneqarli**

Piujuartitsiviusumik ineriartortitsineq nukittorsarniarlugu politikkikkut aalajangiisarnarit (ataqatigiissumik) ataqatigiinnerinik pitsanngorsaassaagut.

#### **Kalaallit Nunaanni Tikkuussisut**

2.i.6. politikkikkut aalajangiinnerit aamma aningaasanut inatsimmi atugassanngortitsinerit imminnut ataqatigiinnerat

#### **Kalaallit Nunaanni Suliniutissat**

2.8. Suliffissuit akornanni sunneeqatigiittarnerup tunngavissinnissaanut, ilaatigullu assartuussinerup internet-ikkullu attaveqaqatigiinnerup iluanni attaveqaasersuutit nukittorsarniarlugit, pisortani oqartussat akornanni suliassaalertartut suleqatigiissutiginerulernissaat.



#### **Anguniakkat ilaat 17.17 Sunniuteqarluartumik suleqateqartarnerit atorneqarnerulerlik**

Pisortat suliassaqarfii, inuussutissarsiortut namminersortut aamma inuiaqatigiit akimorlugit peqatigiittarneq siuarsassavarput kaammattuutigissallugulu. Tamanna peqatigiinnernik misilittakkagut taakkualu isumalluutitut periusissiai tunngavigalugit inerisaqqinneqassaaq.

#### **Kalaallit Nunaanni Tikkuussisut**


2.i.7. Pisortani suliffissuit, aatsitassarsiormi suliffissuit, pilersuisut aamma/imaluunniit tamat akornanni ataatsimiinnerit amerlassusaat.

#### **Kalaallit Nunaanni Suliniutissat**

2.15. Pisortat suliassaqarfiisa, aatsitassarsiormik suliaqartut, pilersuisuusut aamma/imaluunniit tamat akornanni ataatsimeeqatigiinnissanut ingerlaavartumik aqutissiuussisarneq.

2.16. Kalaallit Nunaanni periarfissanut paasisimaarilersitsinissaq siunertaralugu nunarsuarmi aningaasaliisartunut ukiumoortumik aningaasaliisartut ataatsimeersuartalernissaannut aqutissiuussineq.

### **Ukkatarinniffik 3: Aatsitassat pisariaqartinneqarlutik pingaarutillit**



**Naalagaaffiit Peqatigiit anguniagaasa ilaat 8.1 Aningaasaqarnikkut siuariartorneq piujuartussaq pilersinneqarli**

Nunami namminermi pissutsinut naapertuuttumik aningaasaqarnikkut siuariartorneq attatiinnassavarput, pingaartumillu nunani ineriartorfiunnginnerusuni minnerpaamik 7 procentinik ukiumoortumik aningaasaqarnikkut siuariartornissaq qulakkiissallutigu.

### **Kalaallit Nunaanni Tikkuussisut**

3.i.1. Aatsitassarsiorluni misissuinermit aningaasartuutaasartut siuariartornerat.

### **Kalaallit Nunaanni Suliniutissat**

3.4. MSP Forum-ip Kalaallit Nunaat pillugu paasissutissiinermit suliaasanullu aningaasalersuinerup tunngavissinnissaanut atorneqarnissaa.



### **Naalagaaffiit Peqatigiit anguniagaasa ilaat 17.6 Ilisimasanik avitseqatigiittarneq, ilisimatuussutsimut periarfissaqarneq, teknologii nutaaliornertu annertusineqarlík**

Avannaani kujataanilu nunat akornanni aammalu nunap immikkoortui akimorlugit nunanilu tamalaani ilisimatusarnermi suleqatigiinneq pitsaanerulersissavarput. Suleqatigiinneq ilisimatuussutsimut, teknologimut nutaaliornermullu periarfissaqalersitsissaaq, aammalu ataatsimut isigalugu ilisimasanik avitseqatigiittarneq, atugassarititaasut illuatungeriilluni isumaqatigiissutigineqartut, tunngavigalugit aamma pitsaanerulersinneqassaaq. Tassani ilaalluni suleqatigiinnerit ingerlareersut pitsaanerumik ataqatigiissaarnerisigut, pingaartumik Naalagaaffinni Peqatigiinni, aammalu teknologinik paarlaasseqatigiinnissamut nunarsuarmi suleqatigiinnikkut.

### **Kalaallit Nunaanni Tikkuussisut**

3.i.2. Aatsitassanut oqartussaq nunat akornanni ilisimatuussutsikkut aamma/imaluunniit teknologikkut suleqatigiinnissamut isumaqatigiissutini pisussanullu pilersaarutini, suleqatigiinnerup suussusaa malillugu agguagaasuni, arlalinni ilaavoq.


### **Kalaallit Nunaanni Suliniutissat**

3.1. Aningaasarsiorfiit piujuartussat pillugit EU-periusissatut suleqatigineqarnerata atuutsinneqalernissaa.

3.2. Danmarkip aamma USA-p suleqatigiinnikkut atassuteqarfiginerisa ingerlaannarnissaa.

3.3. Aatsitassanik pisariaqartitanik suliniutit ineriartortinniarlugit nunat tamat akornanni attaveqarnerit nukittorsarneqassapput, taakkununga akigitinneqartut taakkuninngalu pilersuineq politikkikkut pissutsinit aqunneqarsinnaapput.

## **Ukkatarinniffik 4: Nunap assiliorneq aamma nunap sannaanut paasissutissat nalunaarsukkat**



### **Naalagaaffiit Peqatigiit anguniagaasa ilaat 9.4 Ilisimatusarneq nukittunerulersinneqarli, aammalu suliffissuarni teknologii nutarterneqarli**

Suliffissuarni teknologiini annertunerusumik ilisimatusassaagut aammalu nunani tamaginni, pingaartumik nunani ineriartortuni, taakkua nutartissallutigu. 2030 sioqqullugu nutaaliorneq kaammattuutigissavarput, aammalu inuit amerlanerujussuit ilisimatusarnermik ineriartortitsinermillu suliaqassapput. Pisortat aamma namminersortut tamatumunnga aningaasaliinerusalissapput.

#### **Kalaallit Nunaanni Tikkuussisut**

4.i.1. Aningaasanut inatsisikkoortumik aatsitassanut suliassaqarfimmi ilisimatusarnermut ineriartortitsinermullu aningaasartuutit.

#### **Kalaallit Nunaanni Suliniutissat**

- 4.1. Nunap sannaanut 1:100.000 angissuseritillugu nunap assiliornepup ingerlatiinnarnissaa.
- 4.2. Ilisimatuussutsikkut suliniutinik, aatsitassarsiornermi suliffissuarnut nutaanik ilisimasaqalersitsisussanik ingerlatsinerup ingerlatiinnarnissaa, taamaaliornermilu ingerlatseqatigiiffiit aningaasaliinermi annaasaqarsinnaanerannut annikillisitseqataanissaq.
- 4.13. Qillerummit qaqtanut paasissutissaasivimmik nutaamik pilersitsinissaq.
- 4.14. Qillerummit qaqtanut toqqorsivimmik nutaamik pilersitsinissaq.
- 4.15. Qillerummit qaqtanik, periaatsimi nalunaarsorneqarsimanngitsunik, nalunaarsuinerup aallartinnissaa.



### **Naalagaaffiit Peqatigiit anguniagaasa ilaat 11.5 Pinngortitami ajunaarnersuit ajoqusiisumik kingunerisartagaat annikillisinneqarlik**

2030 sioqqullugu piitsut inuillu ajornartorsiorlutik inissisimasut illersorneqarnissaat ukkataralugu, inuit ajunaarnersuaqarnerani toqusartut imaluunniit sunnerneqartartut annertuumik ikilisinneqassapput (tassani ilaallutik immamut attuumassutilimmik ajunaarnersuaqarneri). Tamatuma ingiaqatigisaanik nunarsuarmi aningaasaqarnermi ajunaarnersuarnik pissutilimmik aningaasaqarnikkut toqqaannartumik annaasaqartarneq annertuumik annikillississavarput.

#### **Kalaallit Nunaanni Tikkuussisut**

4.i.2. 2026 sioqqullugu qaqqat sisoornissaannut aarlerinaataasunik nalilersuinerup periusissiaq atuutsinneqalersimassaaq.

#### **Kalaallit Nunaanni Suliniutissat**

- 4.6. Qaqqani sisoorfiusartunik qajannartortalinnik nakkutiginninnerup ingerlatiinnarnissaa.
- 4.7. Qaqqat sisoortarnerannut nunap assiliornissamut pisussanut pilersaarummik atuutsitsilernissaaq.

4.9. Qaqqat sisoornissaasa aarlerinaateqarnerannik ujarassiornikkut nalilersuinissamut periusissiamik suliaqarnissaq.



**Naalagaaffiit Peqatigiit anguniagaasa ilaat 13.3 Silap pissusaata allanngoriartornerata pakkersimaarnissaanut ilisimasanik pisinnaasanillu inerisaasoqarli**

Nunarsuup kissatsikkiartornerata unikaallatsinnissaanut aammalu silap pissusaata allanngoriartorneranut naleqqussarnissatsinnut ilisimasat nalinginnaasut annertunerulersissavagut periarfissallu eqqumaffiginerulissallugit. Tamanna ataasiakkaani aammalu sullissivinni pissaaq. Peqatigisaanik siusissukkut ajoqusiinerit eqqoriarsinnaanissaannut killilersimaarnissaannullu pisinnaasagut annertunerulersissavagut.

**Kalaallit Nunaanni Tikkuussisut**

4.i.3. 2030 sioqqullugu pinngortitami ajunaarnersuaqartarnera pillugu paasititsiniaaneq ingerlanneqassaaq.

**Kalaallit Nunaanni Suliniutissat**

4.8. Pinngortitami ajunaarnersuaqartarnermut suliassa qarfirmi innuttaasunik paasissutissiisarnerup annertusarneqarnerata ingerlatiinnarnissaa, ilanngullugu nunap assinginiq qarasaasiatigoortunik aarlerinaataasunik naliliinertalinnik pilersitsinissaq kiisalu pinngortitami ajunaarnersuaqartarnerit pillugit paasititsiniaanerup ingerlanneqarnissaa.

4.12. CO<sub>2</sub>-nik unerartitsisarnermut toqqorsivimmiititsisarnermullu (CCS) periusissiap 2023-mi tamanut saqqummiunneqartup sulissutigineqarnerata ingerlatiinnarnissaa .



**Naalagaaffiit Peqatigiit anguniagaasa ilaat 17.6 Ilisimasanik avitseqatigiittarneq, ilisimatuussutsimut periarfissaqarneq, teknologii nutaaliornertu annertusineqarlik**

Avannaani kujataanilu nunat akornanni aammalu nunap immikkoortui akimorlugit nunanilu tamalaani ilisimatusarnermi suleqatigiinneq pitsaanerulersissavarput. Suleqatigiinneq ilisimatuussutsimut, teknologimut nutaaliornermullu periarfissaqalersitsissaaq, aammalu ataatsimut isigalugu ilisimasanik avitseqatigiittarneq, atugassarititaasut illuatungeriilluni isumaqatigiissutigineqartut, tunngavigalugit aamma pitsaanerulersinneqassaaq. Tassani ilaalluni suleqatigiinnerit ingerlareersut pitsaanerumik ataqatigiissaarnerisigut, pingaartumik Naalagaaffinni Peqatigiinni, aammalu teknologiniq paarlaasseqatigiinnissamut nunarsuarmi suleqatigiinnikkut.

**Kalaallit Nunaanni Tikkuussisut**

3.i.4. Aatsitassanut pisortaqarfiknunar akornanni ilisimatuussutsikkut aamma/imaluunniit teknologiikkut suleqatigiinnissamut isumaqatigiissutini pisussanullu pilersaarutini, suleqatigiinnerup suussusaa malillugu agguagaasuni, arlalinni ilaavoq.

#### **Kalaallit Nunaanni Suliniutissat**

- 4.3. Geofysiskinut paasissutissat nalunaarsukkat suussusaannik, katersorneqartussanik suussusersiinnissamut kiisalu nunap assiliornerup tulleriinnilersorneqarnissaanik pingaarnersiutinissamut piareersaataasumik misissuataarinerup ingerlanneqarnera.
- 4.4. Nunap immikkoortuini geofysiskinik misissuinissanut qaammataasatigullu paasissutissanut nalunaarsukkanut aningaasalersuinissamut periarfissanik qulaajaaneq.
- 4.5. Ilisimatusarfinnik suleqateqarnerup ingerlatiinnarnissaa, nutaanik suleqatigiinnissamut isumaqatigiissuteqarneq.
- 4.10. Nunap sannaanut ilisimatuussutsikkut paasissutissat nalunaarsukkat nittartakkatigut pissarsiariuminarnernissaat.
- 4.11. Kalaallit Nunaata avannaani ujaqqanik pinnerasaasiassanik ujarlernerumut ilitersuutip suliarineqarnera tamanullu saqqummiunneqarnera.

---

<sup>1</sup> REPowerEU: A plan to rapidly reduce dependence on Russian fossil fuels and fast forward the green transition, 18. Maj 2022, [https://ec.europa.eu/commission/presscorner/detail/en/IP\\_22\\_3131](https://ec.europa.eu/commission/presscorner/detail/en/IP_22_3131)